

Kie Kienok

Zisas Kilaisiyan kwitnan kwitnan bamgat sokbewe ke kie kienok Zân zikat same ege

Kwitnan kwitnan enzililiyan msokbembeyelen zet kapi Zânan mka katikjan Patmos tati kuye. Egan Zisasiyelen nemba kekok manje ma Zebediyet nemunan (Matiyu 10:2). Zân am sambe penayan nâampeip. Ekjen dâpmanje 7 Esia msalen talip ekjen kekok egan nâmindein. Zân ek an nâmkijpepeyan teman ma Kawawangalen Zet Zapat Dolakjan Penan kenanen mkatikjan bemti mamain ke am sambeyan nâmtalip. Kwit Kie Kienok keyet yanjan kapigok, kwitnan kwitnan enzililiyan msokbembeyan.

Egan mka katikjan Patmos msat nembu tungupman ke tati kwitnan kwitnan bamgat sokbewe kapi kie kienok ekmâge. Egan ekme Sadangalen winde kwage yangut bam penan Kawawangalen windayan mobotnan penan bemtati kume tomâpme delan zemâpme Kawawangalan etan windenjanben bemti tati mobe kekok ege. Zânan am golanjin time tapmengut nukjan sambe ke sokbemosâpm. Nukjan ke zet esemten penan kekok kekok sokbewe penan ku zeye. Egan zet myembu zenze zet omba penan zeye. Mneti kasanjine ekjenan nâwepmagen zemti set kekok kuye.

Zet notekjan teman kapigogan kie kienok kapiyet kenan talip:

1:1-8 Zemâtâtât zet

1:9-20 Zisasiyan dâpmanje 7 ekjengat tunguwinan mamain

2-3 Notn zapat meluwan dâpmanje 7 ekjengat kumindaye

4-5 Amobotnan mundum totatalen tazinmak Kawawangalen zet
mungungunjan ma Sipsipgat Nemunan

6 Gwede 7

7 Kawawan zemolimpepeyan galen zet

8:1-11:19 Kawawangalen lumun 7 enselan kumbuwegalen zet

12-14 Kwitnan kwitnan nep bemâpme timkalalangalen kanan

15-16 Kawawangalen batikondo teman 7

17:1-20:10 Kawawangalen Zet Zapat Dolakjan Penanangat kasa makup
ekjen Kawawangalan indawalesâpm

20:11-15 Dopman mututu kanen

21:1–22:5 Kawawaŋaŋ kululuŋ msat ma Zelusalem alakŋaŋ weyaŋsâpm
22:6-21 Zet zemdelan zenzenaŋ

1 ¹Papia kapi kan belaknik kapiyet keŋanen kwitnaŋ kwitnaŋ penaŋ sokbesâpm keyet zapaŋaŋ am Kawawaŋ nâmkinaŋpemtî msalen mamaip eŋŋengat zemsokbemindandayet Kawawaŋaŋ Zisas Kilaisiyet zeme naman Zisas Kilaisiyaŋ enselnaŋ kululuŋengatnaŋ peme Zân Zisas Kilaisiyelen sisiliŋ an ekmagen toti zemzikat saye. ²Zikat same Zânaŋ kwitnaŋ kwitnaŋ eknâm mge keyet ma Kawawaŋgalen zelen kwitnaŋ kwitnaŋ bamgat sokbesâpm ke eknâm mge ma Zisas Kilaisiyelen zet zapaŋaŋ penaŋ zemkawaŋ beye eŋŋen ke papiaen kume towewe. ³Mme am eŋŋen zet kapi mamakuiwaŋ keŋin dolakŋaŋ bek ma am eŋŋenaŋ zet kapi nâmti maŋgawepuip keŋin dolakŋaŋ talit eneyet kan bududuk beme meluwaŋ papia kapiyet keŋan kukunaŋ ke ilak sokbesâpm.

Zânaŋ dâpamelange 7 eŋŋengat zapaŋaŋ meluwaŋ kumindaye

⁴⁻⁵Neŋ dâpamelange 7 Esia msalen talip ingat meluwaŋ pigok kumindayaŋ: Kawawaŋ eweŋan baen takwageyaŋ alak tapmain ya ewe tapmobe. Âpme Kawawaŋ ek ma Emetak Teŋaŋ mulupmaŋ katnaŋ 7 mamm keyaŋ Kawawaŋaŋ mundum totatatnaŋ matazinen kemagen egaŋ sokŋan matazin. Ma Zisas Kilaisiyelen zetnaŋ amnaŋ neŋ mkipmaŋ bembeyelen ma egaŋ gakikiengatnaŋ kukŋangat wati mama kanzizitgalen sek ke tiye yaŋ alak pigogat msat sambeyelen amobotnaŋ sambeyet Amobotnaŋin maŋgeyaŋ main. Ya eŋŋen tuk keyaŋ dâpamelange 7 in keŋ taolet ma keŋ sewakŋaŋ indawep keyet neŋ mandunduyap.

Zisas Kilaisiyaŋ ningat gogot mti gakimti sipmaŋ mulage keyepm ningalen yom peme mege. ⁶Kegok mti Zisas Kilaisiyaŋ nin mme am dundundueset indamukulem mimiyeŋen mulup nsakwep mti Kawawaŋ Bipm sesewatpenup. Kame Zisas Kilais sesewatsane; egaŋ kwesiŋ kwesiŋ damuŋ mulupmaŋ windeŋaŋbeŋ penaŋ mamm. Ke penaŋ.

⁷“Nâit, ek zanza paleset kopme am sambe zikalin ekmagen ekme mesâpm. Ke am tewen kuwienan keŋgak eksâbip. Mti am sambe msat neŋ msat neŋ mamaip eŋŋenaŋ egat si kemberŋ mbep.”

(Daniel 7:13; Zekaraia 12:10)

Penaŋ sokbesâpm. Ke penaŋ.

⁸Amobotnaŋ Kawawaŋaŋ windeŋaŋmak egaŋ zeye, “Neŋ kwitnaŋ kwitnaŋ sambeyet toŋaŋ ma kwitnaŋ kwitnaŋ sambe nen maekdamuŋ miyaŋ ma neŋ eweŋan takwabanaŋ alak tapmayawaŋ ya ewe tapmobaŋ.”

Zânaŋ Kilais ege

⁹Zân neŋ Amobotnaŋmagen ingat nolingapmti sisipeŋpeŋ nsakwep mamindaip ma nsakwep Kawawaŋgalen damuŋ katnanen mama keyet

kejanen nâmisim tatnup. Naman neŋ Kawawangalen zet zemkawan bewan ma Zisas zet penaŋ mkoge ke zemsokbema kasa ekjenaŋ neŋ Patmos msat nembu tuŋgupmanen mka katikŋan neme taban.

¹⁰Ke tapmopma Sonda ŋengat Kawawangalen Emetak Teŋaŋ keŋnan bemisikme zet ŋandaŋaŋ temaŋ sepemaŋ lumun nembon bamnaset kume nâmban. ¹¹Nâma zeye, “Geŋ papiaen kwitnaŋ kwitnaŋ zikat gasowawen keyet meluwaŋ kumti dapmelange 7 mka temaŋ ekjen kapiyet bemane mebe. Epesa ma Samilina ma Pelegamam ma Taitala ma Salidisa ma Piladelpia ma Laodosia mka temaŋ ekjen keyet.”

¹²Âpme neŋ an zet zeye ke eksâgât gilik zemti ekma lam 7 goliyaŋ weyayaŋaŋ ke onzempepeŋangat ¹³busatnaŋin sutnateman an ŋen Angat Nemunaŋ nembon. Egaŋ kâlâpmaŋ teepmaŋ miakti bitim nembon goliyaŋ weyayaŋaŋ keyaŋ mamsosoŋanen zamti tage. ¹⁴Ma ŋokzupmaŋ satnaŋ kwalem zupmaŋ kebon ma zikatnaŋ ilizuzut taŋam nembon. ¹⁵Ma setnaŋ sokŋaŋmak penaŋ galas peyak peyak mam kebon. Ma zet ŋandaŋaŋ temaŋ tu saŋsaŋ bimaŋ maoingalen kwisakŋaŋ kebon. ¹⁶Ma betnaŋ penaset wenzim 7 atam tage ma dembusekjanen wanam teepmaŋ kukŋaŋ nembet nembet apum tage ma ŋenzimosetnaŋgalen busatnaŋ kasup tinsutnan maekzin kebon.

¹⁷Âpme neŋ ek ekti setnanen tokutumti gakikiŋanok wemban. Ya egaŋ betnaŋ penaŋaŋ neŋ natamti zeye, “Kingagapiŋ! Neŋ kwitnaŋ kwitnaŋ yaŋbembeŋaŋ tapma sokbeyeyaŋ ewe delaŋ zenzenaŋ kogogak tapma kwitnaŋ kwitnaŋ delaŋ zemâbe. ¹⁸Neŋ mama toŋaŋaŋ gakimti waban ya mamti mambap. Neŋ zemdelaŋ zenzeyelen winde neŋmak tazin ma tezin ŋandaŋ keŋan mebegalen winde neŋ nanaŋaŋ. ¹⁹Ilakgat geŋ kwitnaŋ kwitnaŋ eksâpmnik keyet meluwaŋ kusenik. Kwitnaŋ kwitnaŋ tazin ke alak kapi eksâpmnik ma bam kwabe keyelen eksokbesâpmnik ekjen ke kusenik. ²⁰Ma bet penaset wenzim 7 ma lam 7 ekdak keyet yaŋaŋ kapi zema nâmbak: wenzim 7 ke dapmelange 7 ekŋengalen an damuŋ 7 ma lam 7 ke dapmelange 7 ilin.”

Dapmelange Epesa mka temanen talip ekŋengat Zânaŋ meluwaŋ kumindaye

2 ¹Âpme Kilaisiyaŋ nâgât kapigok zeye, “Dapmelange Epesa mka temanen talip ekŋengalen an damuŋgat ma ilinaŋgat zet papiaen pigok kumti bemane melak: ‘Betn penaset wenzim 7 mmamti lam 7 golaŋ mimiŋaŋ keyet tuŋgupman mebe kokot mamiap neŋ zet kapigok zesowap, ²Neŋ mama mimiŋinaŋgalen yaŋaŋ ŋep nâyaŋ ma neŋ in ammagen muluwin temaŋ mbien ma ammagen sewak sewak mambien ke neŋ ŋep nâyaŋ. Ma in am bekanŋaŋ yominmak indikpenpen mimindeme ingat tuŋguwinanen ku talip. Ma in an ekjen Kawawangalen zet zapat dolakŋaŋ zet zikat indanda penaŋ manzeip ekjen keyet mama

mimiŋinangat yaŋin msokbemindikbienen ekŋen zet zikat indanda penan yek. Ma in indiksokbewienen ekŋen an dâsukiton etan. ³In neŋmak tusuwien keyepmti sek sindem nâmisimatip keyangut in epumti sewak sewak mulup giŋgiŋ mamip. ⁴Yangut neŋ ingalen nukŋaŋin kapigok mtati ingat oloŋen ku mamiap. ⁵Nâip, itnaŋaŋ in nâgât igagen indembeye yangut alak pigogat yek. Keyepmti in yominangatnaŋ keŋin ku gilik zewep beme neŋ koti ingat dapmelange dolakŋaŋ ku nâmindewap. ⁶Yangut mama mimiŋin kapiyaŋ dolakŋaŋ bein. In Nikolaiten am ekŋengalen mama mimiŋin bekaŋgalen set ke in sekaŋgaŋ manâmindeip. In ekŋengalen mama mimi bekaŋgaŋ neŋ sekaŋgaŋ manâyapnok in kekok manâip. Ke pembeŋaŋ.

⁷In wakŋin bemti nâlen Emetak Teŋaŋ nâgât zet zeme neŋ dapmelangenne ekŋengat zeyap ke in nâit. Am ŋenaŋ nâmkŋepepe neŋmagen atam tati bekaŋgalen winde ke kume tobe beme egaŋ Kawawaŋgalen muluwen tep katnaŋ mama maindain ke neŋ ŋep nâmpema nimti kwesiŋ kwesiŋ mambe.’ ”

Dapmelange Samilina mka temaŋ talip ekŋengat Zânaŋ meluwaŋ kumindaye

⁸Âpme Kilaisiyaŋ nâgât kapigok zeye, “Dapmelange Samilina mka temaŋ talip ekŋengalen an damungat ma ilinangat zet zapat meluwaŋ pigok kumti bemane melak. ‘Neŋ kwitnaŋ kwitnaŋ sambeyet toŋaŋ ma kwitnaŋ kwitnaŋ sambe nen maekdamuŋ miyap ma neŋ gakikiengatnaŋ belak zemamaen kwaban. ⁹Kawawaŋgalen zet zapat dolakŋangapmti in sisipeŋpeŋ mimindawien ke nâyap. Ma in milawatmageset bekopsat matalip yangut nâmkŋepemageset in katikŋaŋ penaŋ beip. Zuda am ekŋenaŋ in zemtalatindemti zet mobotnaŋ mimindawep ke neŋ nâyap. Ekŋen keyet nâmkŋepepeŋin penaŋmak yek; ekŋen ke Sadaŋgalen manŋe. ¹⁰In sisipeŋpeŋ ewe sokbemindawe keyet ku kŋgabep. Nâip, Sadaŋ ek ingat windenŋin mim eegat nâmti egaŋ mulupmaŋ mti inmagengatnaŋ notnaŋ mka katikŋan indewe. Âpme ingalen nukŋaŋin ke msasa 10 kapi tabe. In nâmkŋepemnepeŋ mamambegapmti indome gakiwep beme nâmkŋepepeŋinangat tosaŋaŋ mama kanzizit tiwep.

¹¹In wakŋin bemti nâlen Emetak Teŋaŋ nâgât zet zeme neŋ dapmelangenne ekŋengat zeyap ke in nâit. Am ŋenaŋ nâmkŋepepe neŋmagen atam tati bekaŋgalen winde ke kume tobe beme gakiki delaŋ zenzeŋepiŋ teziŋ ŋandaŋen ke ku towebe.’ ”

Dapmelange Pelegamam mka temaŋ talip ekŋengat Zânaŋ meluwaŋ kumindaye

¹²Âpme Kilaisiyaŋ nâgât kapigok zeye, “Dapmelange Pelegamam mka temaŋ talip ekŋengalen an damungat ma ilinangat zet zapat

meluwan pigok kumti bemane melak. ‘Neŋ wanam teepman kukŋan nembet nembet mtalap. Nâlen zetn kapi zesowap, ¹³In mka temanen matalip keyet yaŋan neŋ ɲep nâŋap. Sadaŋ ek mka keyet amobotnaŋ bemti matazin keyaŋgut in nâgât kwizet buŋam esemten mmambien Antipas Kawawaŋgalen zapaŋ dolakŋan zemkawaŋ beme Kilaisiyaŋ ɲep mamkipman bein ek Sadaŋgalen mka temanen ke kume gakiye. Âpme in kan keyet nâmkipem nanayet meluwan mti wisat ku mbien.

¹⁴Âpme neŋ kwitnaŋ kwitnaŋ notnaŋ mamip keyet keŋ kwep ku mambeyap. Inmagen am notnaŋan an kwitnaŋ Balaamgalen zemzikat indanda ke mamkatik bemti matalip. Egaŋ an kwitnaŋ Balakgat zemzikat same Balakgaŋ zemindeme Isael am ekŋenaŋ nopiomgat meu wisikŋ sasaŋan ke nimti ma sek kileŋ mama ke mâti yom aikbien kegok ekŋenaŋ ewe tapmip. ¹⁵Âpme sepem kegogagak inmagen am notnaŋan Nikolaiten ekŋengalen zemzikat indanda mamâlip. ¹⁶Keyepmti in yominangatnan keŋin gilik zek! Yek bewe beme neŋ inmagen sakwep koti am mama mimiŋin keboŋ mamaip ekŋen ke zemdelan zenzeyelen winde nanaŋan wanam teepman nembon dembusekŋnan kwati matazin keyan ekŋen indowe.

¹⁷In wakŋin bemti nâlen Emetak Teŋan dapmelaŋgenne ekŋengat zet zein ke nâit! Am ɲenaŋ nâmkippepe neŋmagen mamtati bekaŋgalen winde ke kume tobe beme an ke meu kululuŋengalen ke nimbe. Ma neŋ nanaŋ satnaŋ^a kwit alakŋanaŋ keyet palen tatatnaŋ ke sama atawe ke am ɲenaŋ meluwan ke ku eknâmba ikŋan etaŋ nâmba.’ ”

Dapmelaŋge Taitala mka temaŋ talip ekŋengat Zânaŋ meluwan kumindaye

¹⁸Âpme Kilaisiyaŋ nâgât kapigok zeye, “Dapmelaŋge Taitala mka temaŋ talip ekŋengalen an damungaŋ ma ilinaŋgat zet zapaŋ meluwan pigok kumti bemane melak. ‘Meluwan kapi neŋ Kilais Kawawaŋgat Nemunaŋ nâlen. Ma nâgât zikatn taŋam nembon ma setn sokŋanmak balas zulupme peyak peyak mamm keboŋ. ¹⁹Neŋ ingalen muluwinagaŋen yaŋan nâŋap. In gogot mamneip ma manâmkipemneip ma nolin mamukulem mip keŋ sewakŋan palen mamaip ma alak muluwin omba tapmip keyan itnaŋan ke sebempein.

²⁰Yaŋgut neŋ zet piyet keŋ kwep ku beyap eneyet in imbi Zesebel nâmpeme egaŋ ikŋanŋak neŋ golaŋ zenze imbi zemti nâlen mulup anne ekŋen zemzikat indamti bekaŋaset indatime toti ekŋenaŋ sek kilengalen mama mimi ke mâti meu nopiomgat sasaŋan ke manip.

²¹Neŋ egaŋ keŋan yomangatnan gilik zenzeyelen kanaŋ bempewan yaŋgut egaŋ sek kileŋ mamaŋan ke ku peme tapme keŋan ku gilik zeye.

^a 2:17 Nanaŋ satnaŋ sawe keyan mkawaŋ benen an keyet yomaŋ katikpewan.

²² Keyepmti mama mimiŋaŋ keyet dopmaŋ zawat sek sindem temaŋ tiwe. Ma am ŋenaŋ ekmak sek kileŋ mamain egaŋ kegogagak dopmaŋ sek sindem mobotnaŋ penaŋ tiwe. Yaŋgut yomengatnaŋ keŋin gilik zewe beme dopmaŋ ku tiwep. ²³ Ma nemunambaŋane ekŋenmagen zawat temaŋ penaŋ pema koti mme gakimâbep. Kegok mma mka kataŋ nâmkŋepemak maŋge ekŋenaŋ nâmbep neŋ am ŋoktikŋinmak keŋin maegaŋ. Neŋ in muluwinangat tosaŋaŋ sepem igak igak indawap. ²⁴ Mti Taitalayetnaŋ am notnaŋ in zemzikat indanda ke ku mammtalip ma in Sadangalen mulup penaŋ ke ku mamkatik beip ingat kapigok zeyap, Neŋ mulup ŋen in ku tusumindawap. ²⁵ Yaŋgut in ewe nâgât nâmkŋepemti muluwin dolakŋaŋ mkwabien ke mâti atam kitik mtaŋmetne peme neŋ gilik zemkobap. ²⁶ Am ŋenaŋ Sadangalen windeŋaŋ ke kume topme nâlen zet zemkawaŋ bemindawan ke mkatik bemti tapmetnepeme delaŋ zenzeŋaŋ ek Kawawaŋaŋ winde same msat sambe kapi indikdamuŋ mbe.

²⁷ “Âpme egaŋ am aen butnaŋaŋ amobotnaŋgalen toŋganok mtati indikdamuŋ mbe. Mti indawalebe ma kumsome isisikŋaŋ menzim tosinok zaliwep.” (Sam 2:9)

²⁸ Âpme neŋ wenzim “Saputuŋ” matazin ke an ke sawap. ²⁹ In wakŋin bemti nâlen Emetak Teŋaŋ nâgât zet zeme neŋ dapmelangenne ekŋengat zet zeyap ke in nâit.”

Dapmelange Saldis mka temaŋ talip ekŋengat Zânaŋ meluwaŋ kumindaye

3 ¹ Âpme Kilaisiyaŋ nâgât kapigok zeye, “Dapmelange Saldis mka temaŋ talip ekŋengalen an damungaŋ ma ilinangat zet zapat meluwaŋ pigok kumti bemane melak. Zet kapi neŋmagengatnaŋ kozin. ‘Neŋ Kawawaŋgalen Emetak Teŋaŋ neŋmak mamti mulupmaŋ katnaŋ 7 mamm ma neŋ wenzim 7 mammtalap. Ma am ekŋenaŋ dapmelange ingat muluwin dolakŋaŋ penaŋ mamip manâmindeip. Yaŋgut in Kawawaŋgalen ze zapat dolakŋaŋ ku mkawaŋ bemti mâbien. Neŋ ingalen mamaŋinangat yaŋaŋ ke nâŋap kelak in am gakikiŋaŋnok maip. ² Neŋ ingalen mama mimiŋin ekma Kilais mâbâgalen Kawawaŋaŋaŋ pilij bempeye keyet kataŋ ku bein. Keyepm in gakikiŋaŋnok maiwengatnaŋ wati mulup dolakŋaŋ windenjaŋbeŋ neŋmagen mti kwitnaŋ dolakŋaŋ inmak taindain ke mkatik beit. Mti mama mimi dolakŋaŋ inmagen tazin bugan keyaŋ delaŋ zewemagengat. Neŋ ingalen muluwin Kawawaŋgat zikatnaŋ esemteŋ penaŋ ku aikban. ³ In Kawawaŋgalen zet zapat dolakŋaŋ eweŋaŋ baenen diindowien ke otnâit ma ke in gawepumti mambep. Kegok mti in yominangatnaŋ keŋin gilik zemti mamaen kwabep. Yek beme neŋ gilik zemti kambu titi an sepemnok ingalen kobap. Kan keyet in mulup mimipiŋ ma in nânâpiŋ tapme neŋ kobap. ⁴ Âpme Saldis mkaengatnaŋ am kwep kwep yom mimipiŋ maip in kâlâp

satnaŋ indama miakti neŋmak mebeŋ. In esemteŋ mambiengapmti neŋmak neŋ mambeŋ. ⁵An neŋaŋ nâmkĩŋpepe Kawawaŋmagen windeŋaŋ bem tabe beme egaŋ kâlâp satnaŋ munduŋbe. Ma neŋ kwilin mama kanzizitgalen papia tazin ke ku asekbap. Ma neŋ Bien ma enselŋaneyet zikalinan, “Ekneŋ nâlen zapaŋ,” ke sosok zemkawaŋ bewap. ⁶In wakŋin bemti nâlen Emetak Teŋaŋ nâgât zet zeme neŋ dapmelangeŋne ekneŋgat zeyap ke in nâit!’ ”

**Dapmelange Piladelpia mka temaŋ talip
ekneŋgat Zânaŋ meluwaŋ kumindaye**

⁷Âpme Kilaisiyaŋ nâgât kapigok zeye, “Dapmelange Piladelpia mka temaŋ talip ekneŋgalen an damuŋgat ma ilinaŋgat zet papiaen pigok kumti bemane melak. ‘Neŋ teŋ toŋaŋ ma kwitnaŋ kwitnaŋ zema penaŋjak masokbein. Ma neŋ winden sakamaŋ amobotnaŋ Dewitgalen nemboŋ. Ya am neŋaŋ nâlen mulupmnaŋgat neŋ ku zemkululuyelen. ⁸Neŋ ingalen muluwin neŋ nâmatâlap. Ma neŋ nâyawen in winde isikŋaŋ bugan taindain yangut in nâlen zetn gawepumti nâgât ku wasinewien. Neŋ mulup Kawawaŋgalen zet zapaŋ dolakŋaŋ mkawaŋ bembeyelen omba penaŋ indawan ma am neŋaŋ muluwin ke ku zemkuluye. ⁹Nâip! Am dâsukitoŋ ekneŋ Sadangalen manŋe ekneŋaŋ ilinaŋgat Zuda am manzeiwaŋgut yek penaŋ. Neŋ ekneŋ ke indatima inimagen sokŋan koti ingat pedondom indawep. Mti in kapigok nâmatâbep, neŋ dapmelange ingat neŋ gogot mamiyap. ¹⁰In nâlen zet ke gawepumti sisipenpen mimindame in nâmisim tabiengapmti sisipenpen ma nukŋaŋ temaŋ msat kataŋ kwabeen kan keyet neŋ indikdamuŋ mma tetimaemae kanen windeŋaŋ beŋ bemti tabep. ¹¹Âpme neŋ sakwep kosowapgat nâmkĩŋpepe taindain ke weyaŋ ekdamuŋ mbep. Ma neŋaŋ ingalen mama mimiŋinaŋgalen tosaŋaŋ kululuŋen tiwep ke ku mpewe. ¹²Am neŋaŋ nâmkĩŋpepe Kawawaŋmagen windeŋaŋ bem tabeen ke Kawawaŋ nnaŋgalen sesewat McKayelen tepumaŋ temaŋnok bein. Ma egaŋ mka ke ku katipewe; neŋ egat palen Kawawaŋ nnaŋgat kwitnaŋ kumpewap ma neŋ kegogak Kawawaŋ nnaŋgalen mka temaŋ kululuŋengatnan kwatobe ke kwitnaŋ Zelusalem alakŋaŋ kuwap. Neŋ kegogagak egat palen kwitn alakŋaŋ kuwap. ¹³In wakŋin bemti nâlen Emetak Teŋaŋ nâgât zet zeme neŋ dapmelangeŋne ekneŋgat zet zeyap ke in nâit.’ ”

**Dapmelange Laodosia mka temaŋ talip
ekneŋgat Zânaŋ meluwaŋ kumindaye**

¹⁴Âpme Kilaisiyaŋ nâgât kapigok zeye, “Dapmelange Laodosia mka temaŋ talip ekneŋgalen an damuŋgat ma ilinaŋgat zet zapaŋ meluwaŋ pigok kumti bemane melak. ‘Neŋ zet, “Ke penaŋ” manzenup ke neŋ ma Kawawaŋgalen zet penaŋ manzemkawaŋ beyap. Ma neŋ amnaŋ

maeknârneip. Ma Kawawaŋaŋ msat kululuŋ yaŋbemti msokbeye keyet toŋaŋagak. ¹⁵Neŋ ingalen muluwinangalen yaŋaŋ ɲep nâyp. In nâmkɲepepeŋinmak ku talip ma in nâmkɲepemagen keŋ zut talip. Keyet nâme pembedaŋ bein keyepm neŋ ingat oloŋen ku miyap. ¹⁶Inmagen nâmkɲepepe kaliŋaŋ ku taindaye keyepmti neŋ zemindewap. ¹⁷In ilinaŋgat pigok manzeip, “Nin milawatn omba penan tatndain keyepm totatatn pembedaŋ. Nin kwileki ɲengat ku matimatnup.” Kegok manzeip yaŋgut neŋ ingat kapigok zesowap, in ilinaŋgat yaŋin ku maekmâtâlîp. In am bekopsat. In ola olat palen mamaip ma zikalin beŋaŋ ma talak mamaip. ¹⁸Keyepmti neŋ pigok zemâtâtindewi: In neŋmagen koti gol tewaŋ zime dolakŋaŋ penan bembenaŋ ke kwitiit. Ma kâlâp teepmaŋ satnaŋ neŋmagen kwitimti munduŋme toti sekɲin sakambuginaŋ tazinen ke angalaŋti tabe ma zikatgalen melesen ɲen neŋmagen kwitimti zikalinan kaputi zikalin dolakŋaŋ ekmâtâbep. Kwitnaŋ kwitnaŋ ekɲen keboŋ keyaŋ am keŋin mukulem mme nâlen bewep. ¹⁹Neŋ in notn mamimindeyap keyepm keŋ gilik zemti yomin katipewep. Âk yek bewe beme indom musuwetindewap. ²⁰Nâip, neŋ sekekegen tati set tâŋtâŋ takuma am ɲenaŋ nâlen tâŋtâŋ ke nâmti kot set mâtâbe beme neŋ egalen mka keŋan tati tu meu nsakwep nimbalup. ²¹Am ɲenaŋ nâmkɲepepe Kawawaŋmagen windenaŋbeŋ bemti tabeen neŋ ekɲen mundum totatat nenangat solonan indema totabep. Neŋ kasa temanen ke windennbeŋ bemti tabangapmti in kegogak windebeŋ bemti tapme Bipmnaŋ Amobotnaŋgalen mundum ke neŋ name mundum totatat nenangat solonan ke in indema totabep. ²²In wakɲin bemti nâlen Emetak Teŋaŋ nâgât zet zeme neŋ dapmelaŋgenne ekɲengat zet zeyap ke in nâit!’ ”

Zânaŋ Kawawaŋgalen mundum kululuŋen tazin ke ege

4 ¹Neŋ kwitnaŋ kwitnaŋ ke eknâm mtingut tati ekma kululuŋen sekekek ɲandemti tapme ekban. Âpme zet ɲen lumun kwisaknok nâma kegogak ewe sokbemti pigok dinoye, “Geŋ pien kwapmane gatati mamti kwitnaŋ kwitnaŋ bam sokbewe ke zemzikat gama eksenik.” ²Kegok zeme keyegak Kawawaŋgalen Emetak Teŋaŋ keŋɲ melen beŋen mme ekma kululuŋen Amobotnaŋgalen mundumaŋ keyet palen an ɲenaŋ totapme ekban. ³An keyelen ɲenzimosetnaŋgalen sokŋaŋ nanaŋ kwilit zaspamak kalnelien nemboŋ. Âpme Amobotnaŋgalen mundum totatat keyet tazinen bitimnatagaŋ tokwat bembuluŋti tage sek sepemaŋ nanaŋ dolakŋaŋ kwitnaŋ emelal nemboŋ. ⁴Ekma Amobotnaŋgalen mundum totatat keyet solonan mundum totatat 24 kapiyaŋ bembuluŋ tabien. Tapme ɲenaŋ bembe an 24yaŋ mundum keyet palen tokwa bembuluŋ totabien. An ekɲen ke kâlâwin satnaŋaŋ mundumti ɲokɲinanen elimiak goliyaŋ weyayaŋaŋ ke mundum tabien. ⁵Amobotnaŋgalen mundum

totatalen keyetnaŋ kululuŋ ambeyegaŋ tapmme taeknepema kululuŋ kwisak tembe kume nâmban. Ma egalen mundum totatat nŋenzimosetnaŋ ke ekma taŋam sokŋaŋ 7naŋ ziye. Taŋam ke Kawawaŋgalen Emetak Teŋ mulupmaŋ katnaŋ mam 7 keyaŋ ziye. ⁶Âpme Amobotnaŋgalen mundum totatat zikatnaset mundum ke ekma saŋga songa tu lemunaŋ temaŋ ma galas nembonŋ beye.

Mme Amobotnaŋgalen mundum totatalen ke ganzenaŋ ilindiŋ ke kwitnaŋ kwitnaŋ mamaŋinmak songom nembonŋ zulak zulak zikalin sambe nŋenzimoselinaset ma baminaneset nembet nembet ekmâtâtâtgalen ku olalatgalengapmti zikalin kegok tatindaye. ⁷Songom nŋeŋaŋ tage ke laion nembonŋ. Mme keyet bamanen makau apmaŋ nembonŋ. Ma eget zut keyet bamidanen songom nŋen nŋenzimosetnaŋ amgalen nembonŋ. Mme songom delaŋ zenzenaŋ ke muŋtinaŋ mapâmain kebonŋ. ⁸Songom zulak zulak ekŋen kwep kwep ke pâwin sikis sikis zikalin sambe biselinaset ma mamsosoŋinaset taindain. Tambu msat zet kapigok kwesiŋ kwesiŋ zepenŋ matakwalip:

“Geŋ An Tengat Tengalen toŋaŋ. Geŋ Amobotnaŋ Kawawaŋ windendibeŋ. Kawawaŋ geŋ eweŋaŋ tabanan, alak tapmanigaŋ ya bam tapmobaŋik.” (Aizaya 6:3)

⁹Âpme songom mamaŋinmak ekŋenaŋ egaŋ ikŋaŋgalen mundumanen ke kwesiŋ kwesiŋ tapmoti tatagalen keyet kwizet buŋamaŋ mwati wisikŋ zemti sesewat tapmsaip. ¹⁰Kegok mme an nŋeŋaŋ bembe 24 ekŋenaŋ egaŋ kwesiŋ kwesiŋ mamain keyet totatatnaŋ kandaŋaŋ ke pedondomti sesewat tapmsaip. Ekŋenaŋ bunduŋin elimieyakŋaŋmak ke saŋti egalen totatat kandaŋaŋ bemti kapigok zeip,

¹¹“Geŋ ningalen Amobotnaŋ ma ningalen Kawawaŋ! Gâgât kwizet buŋamdi mwatgenup ma windendi temangat wisikŋ nâmgenup. Geŋ kwitnaŋ kwitnaŋ sambe ke msokbemane mamaŋinmak sokbewien.”

Sipsip Nembraŋaŋ papia munguŋuŋaŋ Kawawaŋaŋ same mge

5 ¹Âpme neŋ ekma an nŋeŋaŋ Amobotnaŋgalen mundum totatalen papia munguŋuŋaŋ betnaŋ penaset mtaŋpme ekban. Papia keyet palen meluwaŋ nembet nembet kumpepeŋaŋ tapme ekban. Mme papia setnaŋ kwep palen keyet palen gwede 7 kapiyaŋ piliŋ amnaŋ keŋan ku eegalen bumilikpepeŋaŋ. ²Neŋ ekma ensel windeŋaŋbeŋ yaŋkwesisi nŋen kwizet palen kapigok kuye, “An teŋ penaŋ kwiyaŋ nŋep gwedem papiaen milikpepeŋaŋ kapi mâtâpempti papia nŋep mendesinak?” ³Yaŋgut an nŋen kululuŋengatnaŋ ma msat kataŋ taliwen kapiyetnaŋ ma msat kandaŋaŋ maip ekŋen kemakgatnaŋ an nŋeŋaŋ gwedem papiaen bumilikpepeŋaŋ ke mâtâpempti keŋan eegalen ke an nŋen ku tage ⁴keyepm neŋ si temaŋ suwan.

⁵Âpme an ñejañ bembe ñejañ nâgât kapigok zeye, “Si susupin! Ekbak, Laion ek Zudayelen manjeengatnañ ma Dewitgalen alikñañ ñejañ kasa temanen ke an aumti kasañaneyelen windenjin mtoindeyeyepmti egan gwede 7 papiaen bumilikpepeñañ ke ñep mâtâpewe.”

⁶Âpme Amobotnañgalen mundum totatalen kwitnañ kwitnañ mamañinmak songom nembon zulak zulak ma an ñejañ bembe ekñengat tunguwinanen neñ ekma Sipsip kume gakimti wageyelen gwilim zemberañmak dendañ tapme ekban. Eget zegalipmañ 7 ma zikatnañ 7 keyañ Kawawangalen Emetak msat katan indeme toti mebe kokot mti muluwin katnan 7 mamip ke mbien. ⁷Kegok sokbeme Sipsiwañ Amobotnañgalen mundum totatalen ke meti betnañ penaset papia muñgunñuñ ke mge. ⁸Kok ke mme kwitnañ kwitnañ mamañinmak songom nembon zulak zulak ekñen ma am ñejañ bembe 24 Sipsipgat kandañan pedondom sawien. Ekñen kwep kwewañ gita temañ nembon ma bati goliyañ weyayañan keñanen tu sesikñañ dolakñañmak atamti egat kandañan pedondom sawien. Kwitnañ kwitnañ belinan atamti pedondowien ekñen ke Kawawangalen am ekñengalen dundundu. ⁹Kok mti silik alakñañ kapigok kuwien,

“Geñ gwede papia muñgunñuñ palen tazin ekñen ke ñep mâtâpeyelen keyepmti gâgât nâmann mobotnañ bein. Geñ am ekñañ gome gakiwanan keyepm am yañin igak igak ma am zelin ñande igak igak ma am sek sepemin igak igak ma msalin igak igak tapmelip katan Kawawangat zapat gakimti sipdañ indakwitimti indabanan.

¹⁰Geñ nin mmame amdine ekñengat tunguwinan mamti dundundu ma sesewat mulup mimiyelen kwati msat sambe ekdamuñ mbanup.”

¹¹Âpme ewe ekma ensel sambe sopmañ penañan Sipsiwañ Kawawañ ikañgalen munduman totage ma kwitnañ kwitnañ mamañinmak songom nembon zulak zulak ke ma ñejañ bembe an ekñen ensel ekñen keyañ indabembulunñi dendañ tapme ekma ¹²silik omba kapigok kume nâmban,

“Sipsip Nembrañ, Geñ damuñ mimiyelen windendi igagen tagaen ma kwitnañ kwitnañ polak polak wem gain ma nânândi temañ ma sebet susuk ku mamnik, ma kwizet buñamdi temañ penañ ma kwidi mwawagalen ma zemesewatgengeyelen. Ya amgapm gome gakiwanan keyepm nin sesewatgenup. Geñ An Teñ.”

¹³Âpme neñ eknâma Kawawañan kwitnañ kwitnañ sambe mamañinmak msokbemberañ kululujen ma msat palen ma msat keñan ma nembu keñan ma msat katan ekñañ silik kapigok kuwien,

“Geñ Kawawangapm gitangalen mundum totatalen totadik ma geñmak Sipsip Nembrañ igat sesewatidanup. Kwizet buñamti mmot idenup ma windenjit igagen keyañ kwesiñ kwesiñ tapmobe.”

¹⁴Kegok sobkeme kwitnaŋ kwitnaŋ ekŋen mamaŋinmak soŋgom nembonŋ zulak zulak keyaŋ zewien, “E penaŋ!” Ekŋenaŋ kekok zeme an ŋenaŋ bembe ekŋenaŋ egegat kandaŋidan pedondom idamti eget sesewatidawien.

Sipsip Nembraŋaŋaŋ gwede 7 ekŋen ke mâtât mâge

6 ¹Âpme neŋ eknâma Sipsip Nembraŋaŋaŋ gwede 7 keyet keŋanen kwep mâtâpeme ke eknepema kwitnaŋ kwitnaŋ mamaŋinmak soŋgom nembonŋ zulak zulak ekŋenmagengatnaŋ kwewaŋ zetnaŋ kululuŋ kwisaknok kumti zeye, “Geŋ pien kot!” ²Kegok sobkeme neŋ ekti ewe weyaŋ ekma âs satnanen an ŋenaŋ totati timbiŋaŋ betnanen atamti amobotnangalen bunduŋ goliyaŋ weyayaŋaŋ same mundunge. Same âsiŋaŋ palen totati kasa kuku an ŋenaŋ kasa kumti kasaŋene indomdelaŋ zemti metnak keyet katnan motati mege.

³Âpme Sipsip Nembraŋaŋaŋ gwede ŋen mâtâpeme neŋ nâma kwitnaŋ kwitnaŋ mamaŋinmak soŋgom nembonŋ ŋenaŋ kapigok zeye, “Kot!”

⁴Kegok zeme âs ŋen ŋamaŋ penaŋaŋ kosokbeye. An âs palen tage ke kasa msat katanŋ kukuyelen ke winde sasaŋaŋ keyepm anaŋ ilin ilinak aumsomti gakim temebegalen. Ek wanam teepmaŋ sasaŋaŋ.

⁵Âpme naman keyegak Sipsip Nembraŋaŋaŋ gwede tuk ke mâtâpeme neŋ nâma kwitnaŋ kwitnaŋ mamaŋinmak soŋgom nembonŋ tuk egaŋ kapigok zeye, “Kot!” Zeme neŋ taekma âs sopmaŋaŋ kosokbeye. Mme an dukŋan gwaen tage ek skel betnaŋaŋ mti tage keyaŋ mkawaŋ beinen meuyet kamberŋ temaŋ sokbesâpm. ⁶Kegok kwapme kwitnaŋ kwitnaŋ mamaŋinmak soŋgom nembonŋ zulak zulak ekŋengat tunguwinan an zet ŋandenok sokbemti pigok zeme nâmban, “Plawa wilaŋ weyayaŋaŋ nukŋaŋaŋ kilo kwep e msasa kwegpat an peme wewenangalen tosaŋaŋ ma plawa baliyaŋ weyayaŋaŋ nukŋaŋaŋ kilo tuk e msasa kwegpat an peme wewenangalen tosaŋaŋ. Kogok mti olip tep ma wain tek muluwen ke walelepiŋ!”

⁷Âpme naman keyegak Sipsip Nembraŋaŋaŋ gwede 4 ke mâtâpeme neŋ nâma kwitnaŋ kwitnaŋ mamaŋinmak soŋgom nembonŋ 4 egaŋ kapigok zeye, “Kot!” ⁸Mme neŋ taekma âs ŋen sekŋaŋ alaŋaŋ piyaŋ kosokbeye. An âs dukŋan gwaen tage ek kwitnaŋ “Gakiki.” Ma gakikiŋaŋ ekŋengalen mundum toŋaŋ keyaŋ egat baman âs kwegpat dukŋan moti tabun. Kawawaŋaŋ an zut âs palen tabunen ke msat palen toti kwitnaŋ kwitnaŋ sokbesâpm kapiyelen idaye. Kwitnaŋ kwitnaŋ ke kapi: Msalen amnaŋ ilinak kasa kasa mti aumti gakiwep ma meuyet kamberŋ tati gakikiyelen ma zawat bekaŋaŋ mti gakikiyelen ma soŋgom zupmaŋ kukŋaŋbeŋ temaŋaŋ am indawalepme gakikiyelen winde keyelen idaye. Kwitnaŋ kwitnaŋ keyaŋ am manŋe kwep indawalepme gakiwep. Âpme manŋe tugaŋ belak tabep.

⁹Âpme naman keyegak Sipsip Nembraŋaŋ gweđe 5 ke mâtâpeme ekma sisak kandaŋan am Kawawaŋgalen zezapat dolakŋaŋ zemti Kilaismagen nâmkîŋpepeen katikŋaŋ tapme indome gakiwien ekŋenaŋ tapme indikban. ¹⁰Mme ekŋenaŋ kwizet omba kapigok kuwien, “Amobotnaŋ, windendi igagen. Geŋ teŋ toŋaŋ ma penaŋgalen toŋaŋ. Nin gâgât damuŋ zigok ewe tapmann geŋ koti am ekŋen msalen kapi nin ndondoŋaŋgat zemindomti ma dopmaŋ mutumindawanik?” ¹¹Kegok yaŋkwesime Kawawaŋaŋ kâlâp teepmaŋ satnaŋ kwep kwep indamti pigok diindoye, “Nâlen mulup an ma nâmkîŋpepeen noline ekŋen msalen alik talip kegogak indome gakiwep sakam in indome gakiwienok. In bugan kwesiŋnik tapmeŋgut kasaŋineyaŋ ekŋen noline in zigok indome gakiwien keyet kataŋ indowep.”

¹²Âpme naman keyegak Sipsip Nembraŋaŋ gweđe 6 ke mâtâpeme eknâma mâkinaŋ temaŋ mge ma kasup sopsop kume menzim tikandaŋaŋ tewen zimti sopmaŋ makuin keboŋ beye ma eyoŋgayaŋ ŋamaŋ sip sepem sokbeye. ¹³Âpme wenzimaŋ kululuŋengatnaŋ msalen saŋganaŋ katnaŋ kaikŋaŋ tepmanengatnaŋ tâgâ temaŋaŋ kumbume matelakzemtozin kegok tobien. ¹⁴Ma kululuŋaŋ galaŋ zem mekoge ke papia palakŋaŋ yaŋ muŋguŋme matazinok beye. Âpme kalaŋ ma msat nambu palen sambe ilindiŋ ekŋenaŋ mundumin pemti mebe kokot mbien.

¹⁵Kwitnaŋ kwitnaŋ kegok sokbeme msat kataŋ amobotnaŋ ma an ŋeŋaŋine ma kasa kuku an ŋeŋaŋine ma am mânep milawalin temaŋ ma am winde igagen ma am notnaŋ sambe sisiliŋ am ma am lala ilinsakwep nanaŋ aimboŋaŋ ma kapalaŋ kandaŋinan enzilim tati ¹⁶kalaŋ ma ŋandaŋ kapalaŋ egegat pigok zewien, “It ndakwatamti enzilim ndeme an Amobotnaŋgalen mundum totatalen totazin egalen ŋenzimosestnanen ma Sipsip Nembayelen ŋenzinziŋaŋ temaŋ ke nin ku eksenup. ¹⁷Ŋenzinziŋaŋ temaŋ keyet kanaŋ ke sokbein ke an kwiyaŋ ŋep tasâpm?”

Israel am 144 tausen piliŋinmak kumindeme tabep

7 ¹Keyetnaŋ ekma ensel zulak zulak ekŋen keyet keŋanen kwep kwewaŋ msatgalen ganzenaŋ zulak zulak keyet nembet nembet dendaŋ tapme indikban. Ke tati msatgalen tâgâ atam tabiengapmti tâgâyaŋ msat palen ma nambu palen ma tep ku indakumbuye. ²Âpme neŋ ekma ensel ŋenaŋ kasup kwakwatnaset Kawawaŋgalen piliŋ betnanen atamti koge. Koti ensel zulak zulak ekŋen msat ma nambu waleletgalen winde indandaŋaŋ ekŋengat kwizet ³kumti zeye, “In msat ma nambu ma tep ekŋen waleindendeŋ tapme nin Kawawaŋnnaŋgalen mulup an monzalaminanen piliŋ kumindemanngulak.” ⁴Âpme am ekŋen keyet monzalaminaŋ palen Kawawaŋgalen piliŋ bemindendeŋaŋ makukuŋin 144 tausen kegok eknâmban. Ke Israel am maŋge 12 ekŋenmagengatnaŋ. ⁵⁻⁸Ekŋen sambe maŋge kapiyelen ikaŋaŋgat

kwep kwepgat makukunjin 12 tausen kegogan tabien: Zudayelen mangeengatnaŋ ma Lubengalen mangeengatnaŋ ma Gatgalen mangeengatnaŋ ma Asayelen mangeengatnaŋ ma Naptaliyelen mangeengatnaŋ ma Manaseyelen mangeengatnaŋ ma Simiongalen mangeengatnaŋ ma Liwaiyelen mangeengatnaŋ ma Isakayelen mangeengatnaŋ ma Sebulamgalen mangeengatnaŋ ma Zosepgalen mangeengatnaŋ ma Benzamingalen mangeengatnaŋ ekŋen keyaŋ Kawawaŋgalen pilin tiwien.

Am mange sambe penaŋ Kawawaŋgat zimoseŋnan tabien

⁹Kwitnaŋ kwitnaŋ ke eknâm mti ekma msat katanŋgalen am msalin igak igak ma yaŋin igak igak ma sek sepemin igak igak ma zelin ŋande sepem igak igak am ŋenaŋ ku indamakukuyelen. Ekŋen ke Kawawaŋaŋ mundumaŋ totatatnanen tage ma Sipsip egegat zimoseŋidan dendaŋ tapme indikban. Ekŋenaŋ kâlâwin teepmaŋ satnaŋ munduŋti belinan timbikim sinaŋ atamti tapme indikban. ¹⁰Ekŋenaŋ kwizet omba kapigok kumti zewien, “Kawawaŋmak Sipsip Nembraŋaŋ egelaŋ aŋgalaŋndemti kasanne ekŋen indom moti Amobotnaŋgalen mundum totatalen Kawawaŋaŋ totazin ma Sipsip Nembraŋaŋaŋ ekmaŋ tazin keyepm sesewatidane.” ¹¹Âpme enŋel ekŋenaŋ ma ŋenaŋ bembe ma kwitnaŋ kwitnaŋ songom nembon mamaŋinmak zulak zulak ekŋenaŋ Amobotnaŋgalen mundum totatat zimoseŋnan pedondomti Kawawaŋ sesewatsamti ¹²zewien,

“Ke penaŋ! Zemesesewatpepeyelen ma kwidi mwawagalen ma nânândi temaŋmak manik ma wisikn zemgaŋgayelen ma kwizet buŋamdi temaŋ penaŋ tagain ma windendi igagen tazin ma sebet susuk ku mammnik ke Kawawaŋnnaŋgalen ya wemeti wembe. Penaŋ!”

¹³Âpme ŋenaŋ bembe an ŋenaŋ kapigok nayaŋkwesiye, “Ekŋen kâlâp satnaŋ teepmaŋaŋ mundum talip ekŋen ke kwi ma desetgatnaŋ kobien?”

¹⁴Kegok nayaŋkwesime neŋ zet dopmaŋ kapigok gilik zemsawan, “Amobotnaŋ, e neŋ ku nâyp, geŋ nâmtadik.”

Zema egaŋ pigok dinoye, “Am ekŋen ke sisipeŋpeŋ temaŋ mimindandaŋaŋaŋ koloyaŋ talip. Ekŋen kâlâwin teepmaŋ Sipsip Nembraŋaŋgat sipmaŋaŋ zulupme sat kume talip. ¹⁵Keyepmti ekŋenaŋ Kawawaŋgalen mundum totatat Kawawaŋ ikaŋaŋgat zikatnan mamti sesewat mulup tambumbu ma msasa kataŋ sesewat mka temanen ke msawep. Ma Kawawaŋaŋ ikaŋaŋgalen mundum totatalen ke totati indikdamuŋ mbe. ¹⁶⁻¹⁷Ma Sipsip Nembraŋaŋ mundum totatatnanen ekŋengat sutnan totati ekŋen indikdamuŋ mamin. Egaŋ sipsip damuŋnok tati maindatim tu zikatnaŋ makwapmâzinen indatimepme tu ke nimti mama matipgapmti ekŋenaŋ tu meuyet ŋen ewe ku gakiwep ma kasuwaŋ

ŋen ewe ku indambuwe ma tâgâ kipmaŋaŋ ku indakumbewe. Kegok mme Kawawaŋaŋ zikalinanen siawin kaput indemâbe.”

**Sipsip Nembaŋaŋ gwede delaŋ zenzeŋaŋ 7 papiaen
milikpepeŋaŋ keyet delaŋ zenzeŋaŋ mââtapeye**

8 ¹Âpme Sipsip Nembaŋaŋ gwede 7 delaŋ zenzeŋaŋ ke mââtâpme eknâma kululuŋen kwisak ŋen kukupiŋ tapmetnepeme kan isikŋaŋ bugan mee kegok beye.

²Kegok sokbeme neŋ taekma ensel 7 kapiyaŋ Kawawaŋgat zimasetnan mot tapme lumun 7 ilinok toŋaŋ toŋaŋ indaye.

³Kegok sokbeme ensel ŋenaŋ koti sisakmagen ke tati bati goliyaŋ weyayaŋaŋ tep tuŋaŋ sesikŋaŋmak mambuip ke mtage. Ma egaŋ tep tuŋaŋ sesikŋaŋ dolakŋaŋaŋ kasak sesik pembenâŋ mambuip ke timti sisak goliyaŋ weyayaŋanen Amobotnangalen mundum totatatmagen ke busât amgalen dundundumak tep tuŋaŋ sesik dolakŋaŋmak temakwep lumaŋti bembuye. ⁴Mme kasak tep tuŋaŋ pembenâŋ kemak Kawawaŋgat am ŋeneyelen dundunduyaŋ enseliyet betnanengatnaŋ Kawawaŋmagen mowege. ⁵Ensel keyaŋ kegok mti sisakŋengatnaŋ teziŋ timti pelepmanen beme gak zeme mti msalen mulapme topme kululuŋ kwisak ma ambeyak ma mâkinaŋ temaŋ mge.

Ensel ekŋenaŋ lumun kumbuwen

⁶Âpme ensel 7 ekŋenaŋ lumuŋin kumbusâpmti weyayaŋ mulup mbien.

⁷Mti ensel ŋenaŋ egaŋ lumun kumbume map ais temaŋmak teziŋ sipmak lumamaŋaŋ keyaŋ msalen mulapme toweti msat paŋaŋ temaset tage mme msat paŋaŋ isikŋaset ziye. Tep omba sambe tabien mme isikŋaŋ zimti msikokok ma kwaŋ zime delaŋ peye.

⁸Âpme naman ensel ŋen egaŋ lumunaŋ kumbume kwitnaŋ ŋen kalaŋ temaŋ keboŋaŋ tep temaŋ tazime beke melesiŋ nambu keŋan peme toweti nambu paŋaŋ isikŋaset sipbemâge. ⁹Kegok sokbeme songom mamaŋinmak nambu keŋangatnaŋ keyaŋ gakimâpme delaŋ zeye ma waŋga mee kegogak kumsagep mge. Mme nambu paŋaŋ temaset kwitnaŋ keboŋ keyaŋ ku sokbeye.

¹⁰Âpme naman ensel ŋen egaŋ lumun kumbume wenzim temaŋaŋ kululuŋengatnan toti busatnaŋaŋ taŋam keboŋ sokbeye. Sokbeme kululuŋen gwaen pemti msat paŋaŋ isikŋaŋgalen tu ma tu zikatnaŋ wenzim temaŋ keyaŋ atame msat paŋaŋ temaŋ kwitnaŋ keboŋ keyaŋ ku sokbeye. ¹¹Kegok mme tu paŋaŋ zut tapme paŋaŋ kwep akŋaŋ beye. Bemâpme am sambeyaŋ tu ke nimti gakim walelet mbien enenogât tu ke akŋaŋ. Ma wenzim ke kwitnaŋ “Akŋaŋ”.

¹²Âpme naman ensel ŋen egaŋ lumunaŋ kumbume kasup ma eyonga ma wenzim paŋaŋ temaset tapme paŋaŋ isikŋaset ke mamaŋamaŋ

sepem ñen sokbeme busatnañin pañañ temaset tapme pañañ isikñaset tambusosogañ sokbeme msasa ma tambumbu pañañ temaset tapme pañañ isikñaset kegogak tambusosok sokbemâge.

¹³Âpme naman tati ekma mepme muntin ñen ekban. Ek kululuñ bete bete gwaen penañ mamti kwizet ñakñak kapigok kuye, “Wakae, in sindem omba penañ tiwep. Ensel tuk ekñengalen lumunin tazin ke kumbume am msat palen talip in sindem omba penañ tisâbip.”

Ensel ekñenmagangatnañ 5 egañ lumunañ kumbuye

9 ¹Âpme naman ensel ñen egañ lumunañ kumbume wenzim ñen kululuñengatnañ telak zemti msalen topme ekban. Ek msat aimboñañ teepmañ keyelen sekekek ke mâtâtâgalen ki sasañañ. ²Âpme egañ msat aimboñañ teepmañgalen sekekek mâtâpme kasak temañ kwalage. Kasak ke tep temañ penañ kwalam peme makwazin keboñ kasup ma kululuñ mme tambusosok etañ sokbeye. ³Âpme gwidegañ kasak keyelen keñanangatnan msalen tomâpbien. Toti windenin salisiyelen nemboñak tiwien. ⁴Timti ekñen ke kwañ ma tep sinañ ma didik ku niniyelen zemindeye. Ekñen ke am Kawawañgalen piliñ monzalamanan ku tazin ekñen ke etañ indime zawat mbep. ⁵Yangut penañ indime gakikiyet yek belak eyonga 5 keyet katañ indime sek sindem palen mamayet zenzenañ. Sindem ke salisiyañ indime sindem manâip sepem kegok. ⁶Eyonga 5 keyet keñan am ekñen keyañ sekñin walesât sek sindem mulup mbep yangut penañ ñep ku gakiwep.

⁷Gwidek ekñen ke sek sepemin âs; kasa ekñenañ kasaen mesâti âs maondak beip sepem keboñ. Ñokñinanen amobotnañgalen elemiak bunduñ ñen goliyañ mimiñañ keyet sepem tage. Zimoselin amgalen zimoset keyet katañ. ⁸Zuwin imbi satnañgalen ñokzuwin teepmañ keboñ ma zelin kukñañ temañ laiongalen keboñ. ⁹Ma melakanduñin mampongañinan kapayañ weyayañañ nemboñañ tage. Ma ekñengat pâwinangalen kwisakñañ age enzange sambe ekñengalen pâwin kwisak keboñ kuye. Ma kalis sambe âs mandamti kasaen mamelipnok kuye. ¹⁰Ma dakñin indindinañgalen sindemañ salisiyelen keboñ. Am dakñañain maindip keyañ am eyonga 5 keyet keñan sek sindem titiyelen keyet winde indandanañ. ¹¹Ekñen amobotnañ kapiyañ maindikdamuñ mamin ma ek ke ensel msat aimboñañ teepmañ maekdamuñ min ek kwitnañ Ibulu zeleset Abadon ma Glik zeleset Apolion. (Kwit eget keyet yañit Waleletgalen Toñañ.)

¹²Walelet ekñen kapi delañ zeme pi naman walelet zut ñenañ kosâpmilup.

Ensel ekñenmagangatnañ 6 egañ lumunañ kumbuye

¹³Âpme naman ensel 7 egañ lumunañ kumbume nâma sisak goliyañ weyayañañ busilinañ zulak zulak ke Kawawañgat zikatnan tage. Keeset

zet bim n̄ande kapigok koge. ¹⁴Zet bim n̄ande keyaṅ ensel lumunaṅ mtagemagen kapigok mepme n̄aṅge, “Yupeletis Tu temaṅ ganzenan ensel zulak zulak tegaṅ zam indendeṅaṅ ke kwaletindeṅ!” Kegok zempeme meti ensel ekṅen ke kwaletindeye. ¹⁵Kegok mimindeme ensel zulak zulak ekṅen ke Kawawaṅaṅ muluwin mimiyelen weyaṅindeye ke nup kan ma eyonga ma kasup ma aua kan keyet sokbeme msat kataṅ am paṅaṅ temaset tapme paṅaṅ isikṅaset indawalebien. ¹⁶Âpme ensel zulak zulak ekṅengalen kasa kuku ekṅen âsien totabien. Ekṅen indamakume 200 milien talip zemti zeme n̄amban. ¹⁷Kegok sokbeme neṅ kie kienok ekma anaṅ âs palen totabienen kolowin kapayaṅ mimiṅaṅ sepemaṅ ṅamaṅ tep kwitnaṅ ma k̄aṅk̄amaṅ ma alaṅaṅ nanaṅ sulpa ekṅen keboṅ munduṅbien. Ma âs ekṅengalen ṅokaselin laiongalen keboṅ ma kaṅgaleminaset taṅam ma kasak ma nanaṅ sulpayaṅ kwawabien. ¹⁸Kwawati keyaṅ am msalen paṅaṅ temaset tapme paṅaṅ isikṅaset indondoyelen zenzegaṅ ke indome gakim̄abien. ¹⁹Âsi ekṅengat windeṅin ke dembusekṅinan ma dakṅinanen tage. Dembusekṅinaṅ winde tage keyaṅ am indome gakikiyelen. Ma dakṅin ke nombe ekṅengalen nembonṅ ṅokasetnaṅmak keyaṅ am sindem indawien.

²⁰Âpme am butnaṅ zawat ma walelelaṅ ku indatime gakiwien ekṅenaṅ nopiom ilin belinaṅ weyayaṅaṅ ma we bekaṅaṅ ke ku katikpewien. Ekṅenaṅ nopiom gol ma silwayaṅ mimiṅaṅ ma aenaṅ ma nanaṅaṅ ma tewaṅ mimiṅaṅ kwitnaṅ kwitnaṅ ek n̄am mimiṅaṅpiṅ ma set mebe kokotnaṅpiṅ ke ewe mandundumsaip. ²¹Kegok mti am indome gakiki ma aṅkambuk mulup ma aindindi mulup mimi ma animbi set kileṅ mama ma kambutiti mama mimi keboṅ ke ku katikpemti yomin ku zemkawaṅ bewien.

Ensel ṅenaṅ zemkatik bembe zet zeye

10 ¹Âpme ensel windeṅaṅbeṅ ṅen kululuṅengatnaṅ kwatopme neṅ ekban. Ma ensel ke zanzayaṅ sumumuṅaṅ ma ṅokṅanen bitimnatagaṅ kiliṅ zemtatatnaṅ ma zimosetnaṅ kasup sepem keboṅ ma setnaṅ tapum tewaṅ zime ṅam makumtazin keboṅ ekban. ²Betnaṅaṅ papia isikṅaṅ ṅen muṅgugunaṅ kwaleletnaṅ mtapme ekban. Âpme setnaṅ penaṅ nembu palen imti setnaṅ alomaṅ msat palen imti tage. ³Tati zet laionaṅ kwilin makuip keyet kataṅ kume kululuṅ patataṅ sakwalam kumepme 7 beyeen an bim n̄ande keṅaṅ kuye. ⁴Kwizet kegok kume neṅ kululuṅ eksât mnepema zet kululuṅengatnaṅ neṅmagen kapigok sokbeye, “Kululuṅ patataṅ 7 kumti zet zeyo ke papiaen kukupiṅ belak keṅdanen n̄apemane wek!”

⁵Âpme ensel setnaṅaṅ msalen ma nembuyen imti tapme ekban egat betnaṅ penaṅaṅ kululuṅen peme mopme ⁶Kawawaṅ mama katikṅaṅ mamti mamain ma egaṅ kwitnaṅ kwitnaṅ zeme weṅge: Kululuṅ ma msat

ma nambu zeme sokbeye ma ekjengat kejanen kwitnaŋ kwitnaŋ zeme sokbewien. Enseliyaŋ egat kwitnanen zemkatik bemti kapigok zeye, “Kawawaŋaŋ golaŋ zenze an itnaŋaŋ ekjen zezapat mimindaye ke ewe kwesiŋ ku tasâpm; sakwep sokbesâpm. ⁷Ensel 7 egaŋ lumunaŋ kumbume kan keyet Kawawaŋ egalen nâmbiliwewetnaŋ enzililiŋan takwapme mulup anene golaŋ zenze an tipman baen diindoye keyet penanaŋ sokbemdelan zesâpm.”

Ensel ŋenaŋ Zân papia mungugunaŋ same niŋge

⁸Âpme kululuŋengatnaŋ zet nâwan keyaŋegak sokbemti pigok dinoye, “Geŋ meti papia kwaleletnaŋ ensel setnaŋ nembet msalen ma setnaŋ nembet nambu palen imtati papia mti tazin ke mi.” ⁹Zeme neŋ enselmagen papia ke nanayet yaŋkwesima egaŋ kapigok dinoye, “Papia kapi mti ni. Nimane dembusekdanen bizik tunaŋ tiknaŋ keboŋ besem yaŋgut kambakdanen baen towepme aknaŋ besem.” ¹⁰Kegok zemti papia ke name nima dembuseknan bizik tunaŋ tiknaŋ kegok beme tiknaŋ nâmban. Yaŋ wilikpema tipmamnan towepme akjangat mban. ¹¹Nima Kawawaŋaŋ kapigok dinoye, “Geŋ am sek sepemin igak igak ma am msalin igak igak ma zelin ŋande sepem igak igak ma amobotnaŋine ekjenaŋ Kawawaŋgalen zet ewe zemsokbemindamane nâmbep.”

Kawawaŋaŋ golaŋ zenze an zut ideme kobun

11 ¹Âpme Kawawaŋaŋ tek bemak eek ke mtot namti zeye, “Geŋ wati met Kawawaŋgalen sesewat mka temaŋ ma sisak ke bemak ekbak. Ma sesewat mka temaŋ keyet kejanen am kwi ekjenaŋ sesewat tapmip ekjen ke indamaŋsenik. ²⁻³Ma sesewat mka temaŋ keyelen tambaŋgum ke bemamakpiŋ; belak pemane tasem. Ke am Zuda maŋgeen ku sokbembeŋaŋ ekjengat ketalasim indanaŋaŋ. Ekjen keyaŋ Zelusalem mka temaŋ kambuk manzenup ke eyoŋga 42 kegok ma tambu msanaŋaŋ makuwenegen 1, 260 benak keyet katan ekjenaŋ mka temaŋ ke kumwaleti mme belaknaŋ bewe. Kegok sokbeme neŋ kan keyet zet zapatn zenze an zut idema toti amnaŋ kember ŋen tati miak miak mamtalip keyet katan miak tati zet zapatn zemkawaŋ bewalup.” ⁴Eget ke olip tep zut ma lam zut nemboŋ ke Amobotnaŋgalen mulup anenet msalen mulup mimiyet ombemideyeyaŋ zikatnan talup. ⁵An ŋenaŋ egegat kasa mimidasâgât mbe beme egegat dembusekŋidangatnan tewaŋ toti ziwe keyepmti an ŋenaŋ eget idosât mbe beme an ke tewaŋ zime gakiwe. ⁶Ma kegogak eget map ku zemalut tototgalen winde idadanaŋ kan egelaŋ Kawawaŋgalen zet zapat dolaknaŋ mkawaŋ bembe kanen ke. Ma kegogak eget tu zikatnaŋ sambeyet zemalut siwaŋ pesakpepeyelen winde taidain. Ma egelaŋ kegogak nuknaŋ penaŋ msat same sek zigok mmalu kwakwagalen winde taidain.

7Âpme zet zapat dolakñan zenze kanan delan zeme msat aimbonan teepman penan keyet kenangatnan songom kukñanben nembonan kwati eget kasa mimidamti idime gakiwalup. 8Ma segidan mka temangalen selen ke wembe ke Amobotnanit tewen amnan kumasasokpewien keyet katnan. Mka teman keyet bemzenze kwit kapigok kukñan: Sodom ma Izip. 9Am sek sepem igak igak tabien ma am yanin igak igak ma zelin ñande sepem igak igak ma am msalin igak igak mambien katan am ekñen keyan meti segit ke ekti tapme kopme msasa tukmak butnan ku nâmindame eget sumen indabewien. 10Kegok mti an zut egelan am alik sambe penan msalen sindem teman indawun keyepmti egelan gakimalu msat sambe am sambe ekñenan kenin dolakñan beme tewalan dopman sam dopman sam tapm mme indikban. 11Yan gut kasup tukmak butnan ke delan zeme Kawawanan zewelegen kumbume kenidan toweti mme wapmalu am sambeyan idikti kingagat teman penanan indaige. 12Keyan sokbeme kululungangatnan kwizet kapigok egetmagen toge, “It pien kwalit!” Kegok kume am kasanitne ekñenan taekme zanza paleset kululun mowebun. 13Kan egelan kululun mowepmalu keyegak mâkinan teman penan mme mka teman kenanen panan 9 tapme panan kwep kumsage mge. Keyet kenanen am gakime makume 7000 beye. Kegok sokbeme am notnan alik tabien ekñenan kingati Kawawan kululun tonangat sesewatsawien. 14Âpme nukñan tugar zut delan zeme ekmane nukñan kwep sakwep penan kosâpm.

Ensel ekñenmagangatnan 7 egañ lumun kume kwitnan kwitnan sokbeye

15Âpme ensel 7 egañ lumunan kume kululun kwizet teman sokbeye. Sokbemti kapigok zeye, “Msat ekdamuñ mimiyele winde ke Amobotnan Kawawan ma An egañ ombempeme am yominan mndatiye winde keyan egetmagen kwawozin ma egelan msat kwesiñ kwesiñ ekdamuñ mbalup.” 16Ma ñeñan bembe an 24 ekñenan Kawawangat zimosetnan mundumin elimiakñanmak keyet palen totabien. Ekñenan mundumin ke pemti totpedondomti Kawawangat zemesesewati pigok zewien:

17“Amobotnan Kawawan geñ windendimak mambanannan mamanik. Geñ windendi teman ke mtati damuñ mimindi yanbewanan keyepmti nin geñ olim sesewat mganup. 18Âpme am gâgât ku nâmkîñpeip ekñenan gâgât ñenzinziñ teman mbien. Kegok mme gâlen ñenzinziñ kanan sokbem tazin ma am gakikiñan ekñenmagen zet zemdelan zenze mulup mimiyele kandi sokñanik sokbein. Mti mulup amdine ma golan zenze anne ma amdine nâmkîñpepeñinmak ma am mobotnan ma tototnan ekñenan gâgât mobotnan nâmti mamaip. Ekñen tosanñan indandayelen kandi bududuk bein. Ma msat mawalelip ekñengalen kan dopman indawaleletgalen sokñan sokbem tazin.” 19Kegok zemdelan zeme an

nenan Kawawangalen sesewat mka teman kululun keyet sekekeknan kwaseleme nen ekma bongis teman zii zet bempeme matatan sakaman Kawawanan Mosesimak ma Israel ammak tâtâ mimiyet zii zet same bempaye ke nembonan tage.^b Ma keyegak ambeyegan peyak peyak mge ma kululun kwisaknan mandamti omba kuye ma mâkinan mge ma map katnan teman tage.

Kululun imbi nenmak Sadanmak tapmalut idikban

12 ¹Âpme kululun muluwan nen kapigok sokbeye. Imbi nen tage ek kasuwan sangum melakundunok zamundunji tage ma setnan kanden eyongayan tage. Ma noknanen amobotnangalen bundun elimiaknanmak wenzim 12 kapiyan zampeme tage. ²Ma ek nempa kambakmak ya nempa ambesâgât sek sindem teman nâmti si sumti jakjak tapmmaenge. ³Ek kegok tapmme kululun muluwan mamanan nen pigok sokbeye. Gazu gazu teman nen tage ma sek sepeman naman nokasetnan 7 ma zegalipman 10. Ma nokasetnan kwep kwep katan amobotnangalen bundun elimiaknanmak tapmege. ⁴Ma gazu gazu keyet daknanan kululunengatan wenzim butnan kwep kaputim msalen topme butnan zut tage. Kegok mti ekme imbi keyan nempa ambesâgât mme kapigok nâmbiliweti soknanik metage, “Imbi kapi nempa ambepme nen keyegak mti wiliksap.” Kegok naye. ⁵Âpme imbi kemagen nempa okak an sokbeye. Ya nempa keyan am sambe msat katan aen tonge mmamti indadamun windenanben mimiyet zempepejan. Ya nempa okak keyan sokbeme Kawawanan keyegak mti mot kululun mundum elimiaknanmak mundum keyet duknan mot peme tage. ⁶Âpme maman egan kunzunji msat tungupman ampian mege. Ke kasup mulup mimi 1,260 ke mame ekdamun mpepeyet nâmti Kawawanan mundum ke aikpeye.

⁷Âpme kululun kasa teman sokbeye. Ensel nenan bembe an kwitnan Maikel ek ma manenane eknenan gazu gazu kumti mâpmâgat ondebien ma nembet gazu gazu ma manenane eknenan ondebien. ⁸Mti eknenan an teman omti gazu gazu egalen manegan ku katiknan bewien keyepmti kululun mkaen ku mamayet indamâbien. ⁹Âpme Kawawangalen ensel eknenan gazu gazu teman kululunengatan âtâpeme toge ma ek ke nombe kwemunan takwage. Ke ma kwitnan nen an dâsukiton ma kwitnan nen am sambe kenin mamimyungume yom mamip. Ek âtâpeme toge kan keyegak manenane ilinsakwep âtâindeme tobien. ¹⁰Âpme kululun kwizet omba kapigok sokbeme nâmban, “Alak Kawawanan am manenane angalan gogot mimindein. Kawawan ek

^b 11:19 Ma nanzan palaknan zut zii zet duknan kumpepejan keyan kenan tage. Ma bongis kebon ke Israel amnan pumamti pilij Kawawan eknenmak tazin manântemien.

Amobotnaŋ ma windeŋaŋ temaŋ ma kwitnaŋ kwitnaŋ sambe ekdamuŋ mamin. Ma Kawawaŋaŋ Kilais ombempeye mulupmaŋ sosok sokbein ke ilak Kawawaŋaŋ notnne ekŋengat kasaŋin Kawawaŋgat zikatnan tambu msa manzemindoin ek âtâpeme toge. ¹¹ Zisas ek Kawawaŋgalen Sipsip Nembaŋaŋ keyepmti egaŋ gakimti sipmaŋ mulapme am nâmkîŋpepeŋinmak Kawawaŋgalen zet zapat dolakŋaŋ zemkawaŋ bewiengapmti windeŋaŋ bemti kasa kume topme tabien. Mti mamaŋin gakikiyet nâmtalati ketalasiwien. ¹² Keyepmti kululuŋ keŋan ŋen ŋen maip in oloŋen mbep! Wakae! Msat ma nambu in sindem omba penaŋ tiwep. Pi Sadaŋ ek ilak inmagen kwatozin yangut kanaŋ ilak sakwep delaŋ zewe ke nâmti keyepm ŋenzinziŋ palen tapmain.”

¹³ Âpme gazu gazu ek msalen âtâpeme toti gilik zemti ku mebegalen imbiyaŋ nempa an ambege ke mâpme kunzuŋge. ¹⁴ Kegok sokbeme imbi ek age mutin temaŋ keyet pâpmaŋ zut ke same mti msat tuŋgupman gazu gazu ek peme tapme Kawawaŋaŋ msat ke egat zapat nâmpeneŋaŋ ke enzilim mamayelen pâmege. Ke mepmame Kawawaŋaŋ nup kan tuk ma butnaŋ kegogot tu meu ekdamuŋ mbe ma gazu gazuyaŋ imbi ku walepewe. ¹⁵ Kegok mti imbi ek pâmti mepme gazu gazu ek tu wasekme imbi keyet bamanen tu teepmaŋ temaŋ mâge. Imbi ke waletpepeyelen kegok mge. ¹⁶ Âpme msalaŋ imbi ke mukulem mpesâti ŋandemti tapme gazu gazuyaŋ tu wasekme toti mege keyaŋ egat keŋan mepme delaŋ zeye. ¹⁷ Msalaŋ kegok mme gazu gazu ek imbi keyet ŋenzinziŋ temaŋ mti gilik zemti egalen maŋgeŋane indosâgât mege. Kawawaŋgalen zet gawepumti Zisasiyelen zetnaŋ zeyeen mamkatik bemtalip ekŋen ke indomwalet msâgât

13 ¹ meti nambu ganzenan gambibik palen met tapmaŋge.

Songom kukŋaŋbeŋ zulaŋ sokbewun

Âpme neŋ taekma nambu keŋangatnan songom temaŋ kukŋaŋbeŋ ŋenaŋ kwage. Ek zegalipmaŋ 10 ma ŋokasetnaŋ 7. Mme zegalipmaŋ kwep kwep keyet dukŋan amobotnaŋgalen bunduŋ elemiakŋaŋmak tabien. Âpme ŋokasetnanaŋ kwep kwepgat Kawawaŋ mtopepeyelen kwit ŋen ekŋengat palen kumpepeŋaŋ. ² Songom temaŋ kukŋaŋbeŋ ekban ke sek sepemaŋ tamŋaŋuŋ temaŋgalen keboŋ ma setnaŋ betnaŋ palakŋaŋ songom temaŋ penaŋ ŋen egalen keboŋ ma zetnaŋ ke laion temaŋ kukŋaŋbeŋ egalen keboŋ. Âpme gazu gazuyaŋ windeŋaŋ ma ikŋaŋgalen amobotnaŋ mundumaŋ ke ma msalen damuŋ mimiŋaŋ songom ketalasim saye. ³ Songom keyet ŋokasetnaŋ kwep ŋengat lingilaŋ tapme gakiweweŋaŋ sepem ekban. Yangut egat lingitnaŋ bekanan keyaŋ ŋelume dolakŋaŋ beye. Kegok sokbeme msat sambe am ekŋenaŋ songom ke ektemtem mpemti ek mâti mambien. ⁴ Âpme gazu gazu ek an ŋenaŋ ya egaŋ songom winde saye keyepmti amnaŋ gazu gazu

zemesesewat msawien. Ma songom ek kegogak amnan zemsesewatpempti kapigok zewien, “Ninmagengatnan nenan songom kebon kemak nep ku bemekmekgalen. Ma ninmagengatnan nenan ekmak nep ku auuk.”

⁵Âpme Kawawanaj sek mmobot zet ma zet Kawawangat kwitnan mtotot mimiyelen ke ku zenzeyet zembekekpepenaj. Mti mulupman eyonga 42 keyet kejan etan mti mamayet zempepenaj. ⁶Kegok sokbeme keyepmti Kawawanaj iknan ma kwizet bunaman ma kululun egalen mundum ma am kululun mamaip eknen zemtalatindemti manje. ⁷Mti Kawawangalen am namkinpepemak eknen kasa mimindamti indomwalet mimindendeyet nampepenaj. Mti am yanin igak igak ma msalin igak igak ma zelin nande sepem igak igak ma sek sepemin igak igak ekngalen nenan bembe an kwage. ⁸Âpme msat katan am eknenaj songom zemesesewatpewep. Mme itnanaj penaj Kawawanaj kululun ma msat weyanpin mti egan amnene sambe kwilin mama kanzizitgalen papia keyet kejan kuye. Am eknen kwilin mama kanzizitgalen papiaen ke kejan tazin eknen keyan songom ku sesewatsawep.

⁹In wakjin bemti nâlen zet ingat kapigok zema nait: ¹⁰Kawawanaj am namkinpepemak nen mka katikjan zapat nampeye beme mka katikjan mebe. Ma nen kasa kuku eknenaj wanaman ajme gakikiyet Kawawanaj nampeye egan kegoset gakiwe. Kan keyet Kawawangalen amnan namkinpepenin mkatikjan bemtati kupeme towembe.

¹¹Âpme msat kejangatnan songom kuknanben nen kwapme ekban. Ma ek zegalipman zut sipsipgalen nembon; zetnan nandanaj gazu gazuyelen zetnok zeye. ¹²Âpme songom keyan songom nenan kwage egat zimasetnan tati egalen windeen mulup mgeyan ewe mamin. Mti msalen am mimindeme ewenan songom gakikijanok mti wage ek ke pedondom samti sesewatsawien. ¹³Mti songom msat kejangatnan kwage egan menok teman mme am msalengatnan taekme egan zeme kululunengatnan tewaj zipen toge. ¹⁴Menok kwitnan kwitnan kegok mimiyet Kawawanaj nampepenaj keyepmti egan songom nenan keyet zikatnan kegok mti msalen am kenin mme yunguye. Mti zeme songom maiwan ome gakikijanok mwati mamayelen tage keyet sepem wejan weyanbien. ¹⁵Songom keyet wejan ke mti onzempeme tapme songom bangatnan eknen miap maip mamin ek ke menok mimiyet nampepenaj. Âpme egalen zeweleden kumbume songom kuknangalen wejan kejan megeyepm wati zetnan zeye. Zemti amnan songom wejan ke ku sesewatsaip eknen ke egan zeme indome gakiwien. ¹⁶Kegok sokbeme egan am mobotnan ma totnan am milawatmak ma am bekopsat am lala talip ma am lala ku matalip eknen nembon am keyet ekngat mepmit zeme ilindi penaj belin penanset ma monzalamnan meluwan kuindeye. ¹⁷Âpme am songomgalen kwitmak mamaip eknenaj etan kwitnan kwitnan kwititiyet ma meaem kwaem nep mbien. Am eknen

ke songomgalen kwitnaŋ ma kwit yaŋaŋ mâsâgât makuku mulup mme sokbenak keyet kataŋ tage.

¹⁸Nin kapiyet weyaŋ nâsenup. An ŋen nânâŋaŋmagaŋ keyaŋ songom keyet kwitnaŋ makuku mulup mti nâmbé. 666 ke makuku mulup mme kwit keyet yaŋaŋ kekok sokbeye.

Sipsip Nembraŋmak am 144 tausen

14 ¹Âpme neŋ ekma mepme Sipsip Nembraŋ Zaion Kalaŋan tapme ekban. Ekmak am 144 tausen kegogaŋ tabien. Monzalamanan iŋaŋgalen kwitnaŋ kumpepeŋaŋ ma Bipmaŋgat kwitnaŋ kegogak kumpepeŋaŋ. ²Âpme kululuŋen zet ŋen nâmban. Ke tu bimaŋ ome kwisak omba penaŋ makuin sepem keboŋ nâmben ma kululuŋ kwisakŋaŋ temaŋ makuin kwisak keboŋ. Yaŋgut kwisak ke nâma gita kulele kwisaknok beye. Am sambe gita kulele kumenok kwisakŋaŋ makuin kekok nâmban. ³Ekŋenaŋ Amobotnaŋgalen mundum elimiakŋaŋmak ma kwitnaŋ kwitnaŋ mamaŋinmak zulak zulak ma an damaŋ ekŋengat zimoselinan sesewat silik alaŋaŋ kuwien. Silik ke am notnaŋaŋ kumti nânâyelen. Am msat sambe ekŋengat tuŋguwinagaŋtaŋaŋ am Kawawaŋaŋ 144 tausen gilik zemindatiye ekŋenaŋ ŋep nânâyelen. ⁴Ekŋenaŋ teŋ penaŋ mambien imbiŋen sekŋaŋ ku ekbien. Ekŋenaŋ Sipsip Nembraŋ mamain keyet kataŋ mamaip. Ekŋen ke msalen am sambe ekŋenmagengaŋtaŋaŋ Sipsip Nembraŋ ekmak mamayet Kawawaŋaŋ ŋeŋaŋ yaŋbemti indatiye. ⁵Ma zet dâsuki ŋen ku zewien penaŋ; ekŋen an ke teŋ penaŋ.

Ensel tuk ekŋenaŋ zet zapat dolakŋaŋ mbien

⁶Âpme neŋ ensel ŋen ekma ek pâmti msat tuŋgupman gwaen kwawege. Ek msalen am sambe sek sepem igak igak ma am maŋge temaŋ iŋjak iŋjak ma am zelin sambe manzeip kataŋ ma am msalen msat kataŋ talip ekŋengat buŋam zapat dolakŋaŋ mama kanzizit ke mti mamaŋge. ⁷Egaŋ zet zapat dolakŋaŋ kapigok zeye, “In Kawawaŋgat nâme mobotnaŋ beme kwizet buŋaman mimwabep. Kawawaŋaŋ am yaŋin mimsokbemti dopmaŋ indandayelen kanaŋ sokŋan bein. Kululuŋ ma msat ma nembu ma tu zikatnaŋ sambe ke weyaŋgeyepmti egat dundum sesewatsawep.”

⁸Kegok zemti mepme naman ensel ŋenaŋ koti zet kapigok kuye, “Babilon mka temaŋ kumasekzin. Asekme delaŋ penaŋ zein. Mka keyelen am ekŋenaŋ msat kataŋ am sambe mme imbimak set kileŋ mama keyet mama mimi mâbien sepem ilin mambienok.”

⁹Âpme ensel bamnanen ŋen ewe koge egaŋ zet kapigok zeye, “Am ekŋenaŋ songom kukŋaŋbeŋ mawaŋgaŋgat pedondom sawep ma monzalamanan ma belinanen egalen kwitnaŋaŋ tageyepm ¹⁰ekŋengat

Kawawaŋaŋ ŋenzinziŋ temaŋ penaŋ mge. Mti enselŋane teŋ ma Sipsip Nembaŋaŋ ekŋenaŋ taindikme am ekŋenaŋ tepmak nanzaŋ sulpa taŋamaŋ keŋan toweti ke sek sindem temaŋ nâmti kwesiŋ mambeŋ.

¹¹Âpme tewaŋ am keboŋ ekŋen ke indazime tep kasagaŋ sindem temaŋ indame kasagaŋ bep zenzepiŋ kwesiŋ moti wembe. Keyepmti am songom kukŋaŋbeŋ ma egat weŋaŋgat sesewat mti kwitnaŋ mmambien ekŋen sindemen indewe. Ekŋen sindemen tambu msa tagogopiŋ tiwep.” ¹²Kan keyet Kawawaŋgalen am mamaip ekŋenaŋ nâmkîŋpepe windeŋaŋmak mambeŋ. Ekŋen ke Kawawaŋgalen zet gawepumamti Zisasiyet nâmkîŋpepeŋin katipepepiŋ ek mâti mamambeŋ.

¹³Âpme neŋ tatnâma kwizet ŋen kululuŋengatnaŋ kwatoti kapigok zeme nâmban, “Geŋ zet papiaen meluwaŋ mi, ‘Kan alakgatnaŋ mezin Amobotnaŋ ekmagen wetekumti mamti gakim mosâip keyepmti ekŋenaŋ oloŋen mtatmâlîp.’”

Kawawaŋgalen Emetagaŋ zein, “Penaŋ, ekŋenaŋ Kawawaŋgalen mulup katikŋaŋ mti sek sindem palen mambien. Ke peme tapme met kâtnânâ aikti oloŋen mbep. Mti mama mimiŋin pembenangat penaŋaŋ gwaen tiwep.”

Meu ŋep beme titiyelen kanaŋ bein

¹⁴Âpme neŋ ekma zanza satnaŋ sokbeme ekban. Mme zanza palen an ŋen Angat Nemunaŋ nembon tapme ekban. Ŋokŋanen amobotnangalen bunduŋ golaŋ mimiŋaŋ ke munduŋti tage ma betnaŋaŋ wanam kukŋaŋbeŋ ke mti tage. ¹⁵Âpme ensel ŋen sesewat mka temaŋ keŋangatnan kwatoti gwaen ekpeme mopme an zanza palen tage egat kapigok kwizet kuye, “Geŋ wanamdi mti tadik keyaŋ wit muluwen elenŋenŋeyelen kanaŋ bein. Msalen mulup ke penaŋaŋ ilak titiyelen bein keyepm met kumelenŋemât.” ¹⁶Kegok zeme an zanza palen tage egaŋ wanamaŋ atam tati msalen wit mulup penaŋaŋ elenŋeme delaŋ zemâge.

¹⁷Âpme ensel ŋenaŋ kululuŋ sesewat mka temaŋ keŋangatnan kwatoge. Ek kegogak wanam kukŋaŋbeŋ penaŋ mti tage. ¹⁸Âpme ensel ŋenaŋ sâpe sâpe bumbuyelen munduman koge. Ek tep keyet damuŋaŋ ensel wanam kukŋaŋbeŋ mti tage egat kapigok zeye, “Geŋ wanamdi kukŋaŋbeŋ keyaŋ msalen wain penaŋaŋ ekŋen sambe ilak kwipman beingat elenŋemât.” ¹⁹Kegok zeme ensel keyaŋ wanam atam tati msalen wain tekŋanen katnaŋ antimti timtati time batikondo temaŋ keŋan towege. Kawawaŋgalen ŋenzinziŋ wain katnaŋ timti batikondo temaŋ keŋan time towepme amnaŋ selaŋ maip keyet kataŋ am yomton ekŋenmagen sakam kegok sokbewe. ²⁰Âpme ekŋenaŋ wain katnaŋ ke mti mka temaŋ keyet ganzenan baenen batikondo temaŋ tage keyet keŋan bemti selaŋ ime zalimti amgalen sip keyaŋ batikondo temaŋ keŋangatnan zupman toti msat teepmaŋ 180 mael keyet kataŋ mepme sipgat sememeŋaŋ kwageen mita zut keyet kataŋ kwage.

Ensel 7 ekjenan kwitnan kwitnan kingagatnanmak 7 kapi mti tabien

15 ¹Âpme kululun muluwan teman pisesenajmak mamananan
 nen sokbeme ekban. Ensel 7 ekjenan kwitnan kwitnan
 kingagatnanmak 7 mti tabien. Kwitnan kwitnan keyan nenan sokbemti
 wemengut mameti Kawawangalen nenzinzi sokbem delan zenzeyet
 zenzenan. ²Âpme nen nembu nen ekma ke galas tepmak lumanjinok
 tapme ekban. Âpme songom kuknanben ma wenan ma meluwan ke
 windenan bemti kingatpewien. Am ekjen keyan nembu keyet ganzenan
 tapme Kawawan gita kulele indame ke mti tabien. ³Ekjenan
 Kawawangat mulup anan Mosesiyet ma Sipsip Nembanan egat siliknan
 kapigok mililim kuwien,

“O Amobotnan Kawawan winde tojan. Gen mulupdi teman penan
 ma kingagatnanmak maminik. Msalen am sambe ekngalen
 amobotnanin. Gen mamandi ten maminik ma kwitnan kwitnan
 mmene penanmak etan mambein. ⁴Amobotnan, am sambeyan
 sesewatgemti kwizet bujamdi mmobep. Gen kwewetanen ten
 maminik ma gen musuwewet mulup penanak mmene keyet yan
 masokbemkawan mambein keyepmti am sambe penan ekjenan
 genmagen koti sesewatgewep.”

⁵Âpme nen ekma kululungalen sesewat mka teman Kawawan
 mundum kenan matazin keyelen set ndepen tapme ekban. ⁶Ndeme
 ensel kwitnan kwitnan kingagatnanmak 7 timti tabien ekjenan keyet
 kenangan kwatobien. Ekjenan melakandun bumbulumepin; satnan
 penan peme topme tabien. Ma mamponganin bitim golan miminan ke
 zamti tabien. ⁷Âpme kwitnan kwitnan maminmak songom nembon
 zulak zulak tabien ekjenmagen nenan pelep golan miminan 7 kapi timti
 ensel 7 ke indaye. Pelep keyet kenan Kawawan mama kanzizit mama
 main egal nenzinzi gan gak zemti tage ke indaye. ⁸Âpme sesewat mka
 teman keyet kenan Kawawangalen busatnanan ma windenan keyelen
 kasak teman penan kwalati tage keyepmti am nenan sesewat mka
 teman kenan mobogalen katan ku beye. Ekjenan damun tapme ensel
 7 ekjenan kwitnan kwitnan kingagatnanmak timti tabien ekjenan
 muluwin mdelan zenzeyelen keyet damun tabien.

**Ensel ekjenan kwitnan kwitnan kingagatnanmak
mulapme msalen toge**

16 ¹Âpme nen ekma sesewat mka teman keyetnan zet bim nde
 zeye egan ensel 7 ekjen zet nen kapigok diindoye, “In meti
 Kawawangalen nenzinzi pelep 7 tazin ke mti mulapme msalen towelek.”
²Âpme ensel kuknangat egan meti pelepman ke mtageen mulapme
 msalen toge. Toti an songom kuknanben egal meluwan belinan ma

monzalamanan tageen ma egalen wenjaŋ mti mamti masesewatsaip ekjen liŋgit katikjaŋ kiŋgagatnaŋmak penaŋ sindemaŋ temaŋ sokbemindaye.

³Kegok mme ensel kukjaŋgat keyet baman egaŋ pelepmanen kwitnaŋ kwitnaŋ ke mulapme nembuen toge. Topme nembuyaŋ gilik zemti am gakikiŋaŋgalen sip keboŋ beye. Beme nembuen kwitnaŋ kwitnaŋ mamaŋinmak gakime delaŋ zeye.

⁴Âpme ensel ŋen egaŋ pelepmanen kwitnaŋ kwitnaŋ kiŋgagatnaŋmak mulapme tuyen ma tu zikatnanen toti sip bemâge. ⁵Beme ensel tu damuŋ pewien egaŋ Kawawaŋgat kapigok zeme nâmban, “Geŋ ewejaŋ baen takwabanen ma alak ewe tapmanik. Geŋ yompiŋ; teŋ mambananan manik keyepm dopmaŋ mutumindanik ke esemteŋ mamutunik. ⁶Am bekanan ekjenaŋ gâgât am nâmkinpewien ma golaŋ zenze andine ekjengalen sip walebien keyepmti siwagak mti indamane nimbeŋ. Nime keyan dopmaŋ gilik zemindawanik keyan pembedan bein.” ⁷Âpme sâpe sâpe bumbu munduman zet kapigok zeme nâmban, “Amobotnaŋ Kawawaŋ geŋ winde tojaŋ! Tosa mututundi teŋ ma penaŋnaŋmak masokbein.”

⁸Âpme ensel ŋenaŋ egaŋ pelepmanengatnaŋ kwitnaŋ kwitnaŋ kiŋgagatnaŋmak mulapme kasup keŋan towepme tep omba penaŋ zime kipmaŋaŋ msalen am omba penaŋ indezimâge. ⁹Ekjenaŋ tep kipmaŋaŋ omba penaŋ indakâyeyepmti Kawawaŋgat zet mobotnaŋ mbien. Kwitnaŋ kwitnaŋ kiŋgagatnaŋmak ke mme sokbembeyet windejaŋ tazin yaŋgut ekjenaŋ yomengatanen keŋin gilik zemti ek ku nâmkinpewien.

¹⁰Âpme ensel ŋenaŋ pelepmanengatnaŋ kwitnaŋ kwitnaŋ kiŋgagatnaŋmak mulapme songom kukjaŋbeŋ ŋenaŋ tage egalen amobotnaŋ mundumen toge. Topme msat sambe egalen am mataliwen ke tambusosok etaŋ sokbeye. Âpme am ekjenaŋ sindem omba penaŋ nâmbiangapm zelin penaŋ aŋgalik mâbien. ¹¹Mme ekjenaŋ sindem ma liŋgilin ke ekti Kawawaŋ kululuŋengatnaŋ egat kwelatnaŋ kuwien. Yaŋgut ekjenaŋ keŋin ku gilik zeme mama mimi bekanan mbien ke ku katikpewien.

¹²Âpme ensel ŋenaŋ pelepman mti kwitnaŋ kwitnaŋ kiŋgagatnaŋmak mulapme Yupeletis Tu teman towepme tu ke bep zeme delaŋ zeye. Tu beme set sokbeme kasup zikatnaŋ kwakwatnaset amobotnaŋ ekjenaŋ kokogalen kegok mge. ¹³Âpme neŋ taekma gazu gazu egalen kaŋgalimangatnan ma songom kukjaŋbeŋ egalen kaŋgalemengatan ma golaŋ zenze an dâsuki ekjengalen kaŋgalemengatnaŋ we bekanan notnaŋ bet keboŋ bemti topme indikban. ¹⁴Ekjen ke we bekanan penaŋ menok mulup ke mamtemien. Ekjen tuk keyan msat kataŋ amobotnaŋ sambemagen meti keŋin mimwatindeme ondektati Kawawaŋgalen nâmkinpepe am mekum kwakum Kawawaŋgalen kan delaŋ zenze kanan keyet zetnaŋ zewien. Kawawaŋaŋ amobotnaŋ sambe sebemindein.

¹⁵Amobotnaŋ Zisas Kilais kapigok zeye, “Nâip, neŋ kambu titi an sepem kekok pempetuk kobap keyepmti an ŋen ek talak mame neŋ kot ekma sakambuk mbemagengat. Keŋ kaik mamti sangum melakanduŋangat damuŋ tabe. An keyaŋ oloŋen mbe.”

¹⁶Âpme we bekaŋaŋ ekŋenaŋ amobotnaŋ sambe ma ekŋengalen kasa kuku an msat ke Ibulu zeleset kwitnaŋ Amagedon makuip ke ondekindowien.

¹⁷Âpme ensel bam mulup mdelaŋ zenzeyelen tage egaŋ pelepmanengatnaŋ kwitnaŋ kwitnaŋ kingagatnaŋmak mulapme msat tungupman kaŋgwa toge. Âpme sesewat mka temaŋ keyet keŋaŋ Kawawaŋgalen mundum elimiakŋaŋmak keyet keŋaŋgatnaŋ kwizet temaŋ ŋen kapigok sokbeye, “Ilak delaŋ zein!” ¹⁸Âpme kululuŋ kwisak ma ambeyak ma zet kwisak temaŋ ma mâkinaŋ temaŋ penaŋ mge. Am mamkwabien kan keyet mâkinaŋ keboŋ penaŋ ŋen ku mge. ¹⁹Âpme Babilon mka temaŋ ke epeemti tuk beye. Ma msat sambe am ekŋengalen mka ŋande asekmâge. Mme Kawawaŋ egaŋ Babilon am ekŋengat nâmti ŋenzinziŋ mti indawalege. ²⁰Mti msat nembu tungupman sambe ma kalaŋ temaŋ ekŋen kekok asekmelaŋ zewien. ²¹Ma kululuŋ map katnaŋ temaŋ temaŋ kwep kwep tobiengat nukŋaŋin 50 kilo sepem keboŋ. Am map katnaŋ kingagatnaŋmak keboŋ keyaŋ omba penaŋ indowe keyepmti am ekŋenaŋ Kawawaŋgat kwelatnaŋ kuwien.

Imbi set kileŋ kwizapatnaŋ temaŋ

17 ¹Âpme ensel 7 pelep 7 mmambien ekŋenmagen kwep ŋenaŋ neŋmagen toti zeye, “Imbi set kileŋ kwizapatnaŋmak ek mka temaŋ tu temaŋ sambe ganzenan matazin. Ek dopmaŋ sasayet kanaŋ bein, keyet kopmane met zikat gama ekbak. ²Msat kataŋ amobotnaŋ ekŋenaŋ ekmak set kileŋ mamaip ma msat kataŋ am ekŋenaŋ ekmagengatnaŋ wain tu nimti keŋin kileŋ mambein.”^c

³Kegok zeme Kawawaŋgalen Emetak Teŋaŋ winde namti zikatn mme menoknok mme enseliyaŋ ikŋaŋak naikti msat tungupman meneme nilizut tabelin. Msat tungupmanen ke imbi ŋen tapme ekbelin. Ek songom kukŋaŋbeŋ ŋamaŋ keyet palen totage. Songom keyet palen kwit sambe Kawawaŋ mtotogalen kukuŋaŋ keyaŋ sekŋanen bee kume delaŋ zenzeŋaŋ. Mme songom kukŋaŋbeŋ keyet ŋokasetnaŋ 7 ma zegalipmaŋ 10 ⁴ma imbi ek sangum melakanduŋaŋ sepemaŋ ŋamaŋaŋ zut igak igaknok munduŋti miak miak sopmaŋ mti tage. Betnan okop ŋen golaŋ mimiŋaŋ mti tage ke ikŋaŋgalen mama mimi okbi okbiŋaŋmak ma ikŋaŋgalen set kileŋgalen mama keyaŋ gak zemti tage. ⁵Monzalaman kwit yaŋaŋ enzililiŋaŋ kapigok kumpepeŋaŋ tage,

^c 17:2 Tu nimbien keyaŋ mkawaŋ beinen ekmak set kileŋ mambien.

BABILON MKA TEMAŊ
SET KILEŊ IMBI SAMBEYELEN ŊOKTEKŊIN

MA EGAŊ MSAT KATAŊ MAMA MIMI BEKANAŊGALEN ŊOTEKŊAŊ.”
⁶Imbi ikŋaŋ ke am Kawawaŋgat nâmkŋpepemak ma Zisas egalen zapat zemkawaŋ bembe maindomtan. Keyepmti ekŋengalen siwin nimti keŋaŋ kileŋ penaŋ beme an notnaŋ tu katikŋaŋ wain nimti mamipnok sakam kekok mme ekti nâmtentem penaŋ mban. ⁷Mme ensel egaŋ kapigok nayaŋkwesiye, “Geŋ kwilekiyet nâmtentem penaŋ mnik? Neŋ imbi egat yaŋaŋ ma songom ŋenaŋ sekti tazin egat yaŋaŋ ma songom ŋokasetnaŋ 7 ma zegalipmaŋ 10 keyet yaŋin ilinsakwep zema nâmbak. ⁸Geŋ songom kukŋaŋbeŋ ekdak keyaŋ kopme msalen am ekŋen kwilin Kawawaŋaŋ kululuŋ ma msat ku sokbeye keyetnaŋ yaŋbemti mama kanzizit keyelen papiaen ku kumpepeŋaŋ ekŋen keyaŋ songom eweŋaŋ etaŋ maŋge pi ewe ku mamain ya bam ewe mambe ke msat aimboŋaŋ teepmaŋ penaŋengatanan gilik zemti kwapme Kawawaŋaŋ waletpeme ekŋenaŋ ke ekti ektemtem mbep.

⁹Pi am ŋoktikŋin temaŋ ekŋenaŋ nânâyelen keyet sepem tazin. Songomgalen ŋokasetnaŋ 7 ke kalaŋ temaŋ 7 imbi keyaŋ keyet palen topmatazin. ¹⁰Kalaŋ 7 keyaŋ kogogak amobotnaŋ 7 keyet sepem bep. Amobotnaŋ 5 ekŋen gakimâpme kwep ek alak kapi msat damuŋ mti tapmain. Mme kwep ŋen bam sokbesâpm. Sokbemti kan isikŋaŋ bugan msat damuŋ mimiyeleŋ zempepeŋaŋ. ¹¹Mme songom kukŋaŋbeŋ mamti yek bewien ke amobotnaŋ 7 yaŋ ekŋengat tunguwinangatnaŋ keyetnaŋ ŋenaŋ ewe gilik zemkoti amobotnaŋ kwapme indamakuman an keyaŋ amobotnaŋ tapme 8 bein. Egaŋ amobotnaŋ gilik zemkwati msat belatnik damuŋ mmeti walebe.

¹²Mme zegalipmaŋ 10 ekdak ke kegogak amobotnaŋ 10 yaŋgut ekŋenaŋ damuŋ muluwin kan kapigogak ku yaŋbeip. Gazu gazu amobotnaŋ songom kukŋaŋbeŋ muluwin nâmdelaŋ zemindemti ekmak tusumti kan isikŋaŋ bugan mbep. ¹³Ekŋen keyaŋ ŋoktik sepem kwep bemtati songom kukŋaŋbeŋ egat kandaŋaŋ muluwin windenŋaŋbeŋ msawep. ¹⁴Ekŋenaŋ Sipsip Nembraŋaŋ ekmak kasa âwep keyaŋgut Sipsip Nembraŋaŋ egaŋ windenŋaŋ bemti indomâbe. Egaŋ msalen amobotnaŋ ekŋengalen Amobotnaŋin Temaŋ ma msalen an damuŋ ekŋengalen An Damuŋin Temaŋ keyepm kasaŋane kume tobe. Am ikŋaŋ indakumtetiti ombemindeme ek mâbien nâmisimti maip ekŋen kemak Sipsip Nembraŋaŋmak ekŋenaŋ kasaŋineyeleŋ winde kume tobe.”

¹⁵Âpme Ensel egaŋ kekok zemti ewe kapigok tusumti dinoye. “Imbi set kileŋ mama ke tu sambe keyet ganzenan tapme ekdak. Tu ke am msalen msat kataŋ talip ma am sek sepem igak igak ma zelin igak igak manzeip kataŋ ke tu ke nemboŋ. ¹⁶Ma zegalipmaŋ 10 ekdak ke ma songom kukŋaŋbeŋ ke ilinsakwep imbi set kileŋ mama zemtalatpemti kwitnaŋ

kwitnaŋ sambe egat palen tati sangum melakandu kumâtâtpeme talak tapme sekŋaŋ nim wiaŋti kanziŋaŋ tewen bume zimâbe. ¹⁷Yaŋgut ke ilinaŋgat keŋinaŋgat etaŋ ku mbep. Kawawaŋaŋ keŋin ke mimiyet melen belan bemindeme ekŋenaŋ zetnaŋ gawepumti keŋ kwep bemti soŋgom kukŋaŋbeŋ ke mulup msawien. Mulup msamti manepeme Kawawaŋgalen zet penanŋmak beye. ¹⁸Âpme geŋ imbi ekdak ke mka temaŋ. Ma imbi ke amobotnaŋ sambe msat kataŋ ekŋenaŋ ekdamuŋ mbep. Bemzenze zet egat palen bem zemkwakwatnaŋ.”

Kawawaŋaŋ Babilon mka temaŋ kumasekbe keyelen zet

18 ¹Naman neŋ ekma ensel ŋen kululuŋengatnaŋ kwatopme ekban. Ek windaŋaŋ temaŋ penaŋ ma saŋga soŋgaŋaŋaŋ msat sambe mbusatnaŋ bemâge. ²Egaŋ kwizet temaŋ ŋakŋak palen kapigok kuye, “Wakae! Babilon mka temaŋ kumasekme delaŋ penaŋ pein. Mka temaŋ ke we bekaŋaŋ ekŋengalen mka. Age mgasik sepem igak igak bekaŋaŋ mimiyelen mka temaŋ keyegak talip. ³Kan Babilon mka temaŋ ke kumasesekpiŋ tapme msat kataŋ am sambeyaŋ imbi keyelen mama mimi bekaŋaŋ ke mâbien. Msat kataŋ amobotnaŋ ekŋenaŋ koti ekmak set kileŋ mama mulup mbien. Âpme imbi keyaŋ aem kwaem mulup an ekŋengalen milawalin sambe egomti kwitime keyepmti ekŋenaŋ mânepmak omba bewien.”

⁴Âpme kwitnaŋ kwitnaŋ ke ewe sokbembepiŋ tapme ŋeŋaŋ kululuŋen zet ŋen ewe kapigok neŋmagen toge, “Aminne, in mka temaŋ ke pemti melit! Mneti in ke tatneti set kileŋ mamayelen tusuwepmagengapmti in ekŋenmak walebepmagengat mka temaŋ ke peit!

⁵Am mka temaŋ keyet keŋan keyaŋ yom mti mimiek mme sambe sopmaŋ penaŋ bein. Kegok mme Kawawaŋaŋ ekŋengalen yom keyet otnâmti enseliyet pigok zeye.

⁶Imbi egaŋ mulup kwitnaŋ kwitnaŋ mgasik mge keyet dopmaŋ kwitnaŋ kwitnaŋ mgasik msawanik. Ma egaŋ kwitnaŋ kwitnaŋ bekaŋaŋ mge ke geŋ sebempemti bugan temaŋ mosawanik. Ma egaŋ okop keŋanen kwitnaŋ kwitnaŋ okbi okbiŋaŋmak lumaŋti indayeyepmti in kogogak sebempemoti sawep.

⁷Egaŋ iŋaŋgat sekŋaŋ mmoti ma set kileŋ mama mimiŋaŋ gogot mti keyet oloŋenmak tage. Keyet kataŋ in egat sek sindem ma si kemberŋ temaŋ aik sawep. Egaŋ keŋaŋaŋ pigok manâin, ‘Neŋ imbi mobotnaŋ penaŋ. Neŋ imbi kwambet yek ma neŋ si kemberŋ ku mbap ma keŋ oloŋen palen mameti mambap.’ ⁸Kegok manzein keyepmti kasup kwep ŋengat ekmagen kwitnaŋ kwitnaŋ nukŋaŋ ke kapigok sokbewe: zawat sek sindem ma si kemberŋ ma meuyet kamberŋ egalen kanaŋ bewe. Ma imbi ke tewen ziwe enenogat Amobotnaŋ Kawawaŋaŋ ek winde toŋaŋ egaŋ yomaŋgat dopmaŋ mutumsame delaŋ zewe.

⁹Âpme msat katarj amobotnarj ekmak set kilenj mamti egat gogot temarj mampeip. Kogogapm ek tewarj bume zimti tep kasaknarj mopme ekti si kemberj temarj mbep. ¹⁰Ekjenarj sindem tisenup zemkingagalanj indaikme bejarj tati kapigok zewep, 'Wakae! Babilon mka temarj, Babilon mka katiknarj, gerj mama mimi bekanarjdarjat dopmarj pempetuk sokbemgain.'

¹¹Kegok mme msat katarj am ekmak milawalin egarj makwitimtan. An ekjen keyarj an njenj milawalin ku kwitiwepgapm si kemberj temarj mbep. ¹²Milawat kapigok dopmarj sam dopmarj sam mbien: gol ma silwa ma kekek tosarj temarj ma sangum kake katiknarj ke kwetetepmarj mânepmarj temarj ma sangum ramarj ma aiaiknarj ma sangum ramarj palen kârkârnarmak tatatnarj ke ma tep sesiknarj dolaknarjmak ma elepan ke bo temarj penarjat zegalipmarjarj kwitnarj kwitnarj notnarj miminjarj ma tep notnarj mânwin temarj ma kapayarj ma aenarj ma nanzarj sangarj songarjarmak nuknarjbejarj miminjarj ¹³ma mâmbuzuzup sekjarj ma dip ma kabilam ma tep tunarj sesiknarj dolaknarjmak notnarj ma wet sesiknarj dolaknarj ma wain ma wet tunarj dolaknarj ma meu kânzunzarj ma wit katnarj sepemarj sangom nemborj ma makau ma sipsip ma âsimak ma mulup an tosarjinpîrj amnarj ekjen indakwitime ekjengalen bewien. ¹⁴Ma an ekjen ekmak omkwiti kwiti mamtemien egat zewien, 'Gerj kwitnarj kwitnarj dolaknarj ego egomak makwitimtemanan wan alak delarj zein. Ma milawadi sambe ma kwitnarj kwitnarj dolaknarj tosarj temarj delarj zein. Gerj ewe njen ku aikbanik penarj!' ¹⁵Âpme ekjen ke omkwiti kwiti mka temarmak mbiengapm ekjenarj mânepmak kwabien. Ma ekjen sindem tisenup ze kingagalanj indaikme bejarj tati si kemberj mti ¹⁶kapigok zewep, 'Wakae! Babilon mka temarj! Egarj sangum kwetetepmarj ma mânepmarj temarj ma ramarj ma ramarjmak kârkârnarmak manzamtatan. Ma egarj sekjarj gol ma nanzarj dolaknarj penarj ma kekek mânepmarj mobotnarj penarj keyarj sekjin miak pemti mamaip. ¹⁷Ma kan isiknarj bugan kapiyet mânep milawatnarj ma elimiak ke yek beme delarj zep!'

Âpme wanga sambe mamaiwen ma am wangaen mulup mamip ekjen ma an wanga mti maindap mainen ma an ekjen nembu palen mulup kwitnarj kwitnarj mânep titiyelen mamiwen ekjenarj kegogak bejarj tati ¹⁸ekme Babilon kasaknarjarj kwaikme tep temarjarj zime si kemberj temarj mti zewien, 'Mka temarj keborj ke njen ewe ku tazin.' ¹⁹Kegok zemti kânzunzu time jokninan mopme si kemberj temarj mti zewien, 'Wakae! mka temarj ke wanga torjane nembuyen mamaip ekjenarj mânep temarj milawalinarjat tiwien. Âpme pi memendepmak mka temarj lambarjarj etarj tage.'

²⁰Am kululuŋen talip in ma Kawawangalen am ma ombemindenderjarj ma golarj zenze an in keŋ oloŋen nâmti segeyak mbep. Mka temarj

kumasekbiengapmti aminne, in kululujen tati olojen mbep! Ma Kawawaŋaŋ zemdelaj zenzeyelen mama mimi bekanaj egaj ingat mgeyepmti in Kawawaŋgalen am nâmkijpepeŋinmak ma Kawawaŋgalen nembraŋane ma golanj zenze an in olojen mbep!”

²¹ Zet kegok sokbeme ensel ŋen windenaj temaj egaj nanzaj siput temaj ke mwati witikpeme nembu keŋan met towepme kapigok zeye, “Babilon mka temaj ke kegogak witikpeme nembu keŋan metopme bam ku ekbep. ²² Âpme gita kulele ma silik eŋsasat ma lumun kwisak ke geŋmagen ŋen ewe ku sokbewe. Ma am notnaj mulup kwitnaj kwitnaj mamip ke ewe geŋmagen ku aikbep. Ma mulup mme kwisak kwisak makun kegokpiŋ tuntaj pemti tabe. ²³ Tanaj busatnaŋaŋ geŋmagen ŋen ewe ku sokbewe ma an imbi ekŋengalen ma kan an imbiŋ bembeyelen kan kwisakŋaŋ ma olojen ŋen ku sokbewe. Gâlen an milawat dopmaj sam dopmaj sam mamtemien ekŋenaŋ msat kataŋ milawat omkwiti kwitiyelen nânâŋin temajmak kwati mambien. Ma gâlen aŋkambuk mulup msat kataŋ am keŋin mme yunguye.

²⁴ Âpme golanj zenze an ma Kawawaŋgalen am nâmkijpepeŋinmak ma msat kataŋ am indomwalet mbanan ekŋengalen siwin Kawawaŋaŋ Babilon mka temaj keyet keŋan aikge. Ya keyelen yom ke Babilonmagen tazin keyepmti set ke ekmagen sokbeye.”

Kululujen Kawawaŋgat olim sesewat sokbeme Zânaŋ eknâŋge

19 ¹ Mme delaj zeme neŋ kululujen an manje temaj ekŋengalen sesewat silik kwisak temaŋnok nâmban. Ekŋenaŋ pigok kuwien, “Kawawaŋ ek am yomengatnan indatin ma ek an kwizetpatnaŋmak ma winde ke ekmagen etaŋ tazingapmti Kawawaŋgat sesewatne.

² Kawawaŋaŋ zemdelaj zenzeyelen zet mme penajaŋmak ma teŋ penaŋ mambein. Egaj set kileŋ mama imbi temaj ek zemdelaj zenzeyelen am msat kataŋ yom ekmak set kileŋ mama mbien. Mti imbi temaj egaj Kawawaŋgalen mulup an indome gakiwiengapm Kawawaŋaŋ dopmaj mutumsame delaj zein.” ³ Kegok zemti ewe pigok kuwien, “Mka temaj keyelen kasakŋaŋ mot kwesiŋ kwesiŋ tapmobe keyepmti Kawawaŋgat sesewatne.” ⁴ Âpme an damuŋ ²⁴ ma kwitnaj kwitnaj mamaŋinmak songom nembonj zulak zulak ekŋenaŋ Kawawaŋgalen mundum Kawawaŋ ikŋaŋ totage egat zikatnan ekŋenaŋ pedondom samti sesewati pigok zewien, “Penaŋ sukwep, Kawawaŋgat sesewatne!”

⁵ Âpme Kawawaŋgalen mundumen zet ŋandaŋ ŋen pigok sokbeye, “Kawawaŋgalen mulup an ma am nâmkijpepeŋinmak sambe inmagen mobotnaj ma tototnaj in Kawawaŋ sesewatsait ma eksempeit.” ⁶ Âpme neŋ am sambeyelen bim ŋandaŋ temaŋnok nâmban. Ke tu bimaŋ ome kwisakŋaŋ temaj makuinok ma kululuŋ kwisak temaj makuinok nâma kwizet kapigok sokbeye, “Amobotnaj Kawawaŋaŋ winde toŋaŋ

ndikdamuŋ mamingapmti ek sesewatpene! ⁷Sipsip Nembraŋ egalen aimbiŋ bembeyelen kan sokbein ma imbiŋaŋaŋ iŋaŋgat aimbiŋ bembeyelen elemiak weyaŋ mgeyepmti nin keŋ oloŋen ma keŋ segeyak ma egat sesewatsane.” ⁸Kawawaŋaŋ imbi saŋgum melakandu satnaŋ penaŋ dolakŋaŋ ke munduŋ mamayet nâmsaye. Kawawaŋgalen am mulup teŋ mti mamtemien ekŋen keyaŋ keboŋ beip.

⁹Âpme enselaŋ zet ŋen kapigok dinoye, “Geŋ meluwaŋ kapigok ku, ‘Sipsip Nembra egalen awembiŋ bembeyelen tu meu niniyelen am ekŋen indayaŋkwesime kobien ekŋen ke oloŋen mit.’” Kegok mti zeye, “Zet dingoyap ke Kawawaŋgalen zet ŋotekŋaŋ penaŋ.”

¹⁰Kegok dinome neŋ egat setnaŋ ganzenan pedondomti dundum sasâgât mma egaŋ zemkulumnemti kapigok dinoye, “Geŋ nâgât kegok mimipiŋ. Neŋ mulup an nodi ma nodine notnaŋ Zisasiyelen zet zapat dolakŋaŋ kiŋgagapiŋ manzemkawaŋ bemtemien ekŋengat nolin. Geŋ Kawawaŋgat etaŋ sesewatsa. Kawawaŋgalen Emetak ke am Kawawaŋgat nâmkipewienen ekŋen Zisasiyelen zezapat dolakŋaŋ zenzeyelen indamukulem mamin.”

An ŋenaŋ âs satnaŋ dukŋan totage

¹¹Âpme neŋ ekma kululuŋ ŋandeme âs satnaŋ ŋen tapme ekma an ŋen dukŋan tage ke am ekŋenaŋ kwitnaŋ kapigok makuip: Egaŋ amŋane ku matalasim indein ma egaŋ zet penaŋ keyet toŋaŋ bein. Keyepmti egaŋ dopmaŋ mututu ma kasa kukuŋaŋ mulup esemteŋ penaŋ mamin. ¹²Zikatnaŋ nembet nembet teziŋ taŋamaŋ keboŋ ma ŋokŋanen amobotnaŋgalen bunduŋ isikŋaŋ sambe tapmâge. Ma kwit kumpepeŋaŋ ke igak etaŋ maiŋti manâin. ¹³Ma kâlâpmaŋ teepmaŋ mundum tazin ke siwaŋ etaŋ metekumpepeŋaŋ an ke mundum tage egat kwitnaŋ “Kawawaŋgalen Zet.” ¹⁴Egaŋ âs satnaŋ keyet palen moti mepme egalen kasa kuku an maŋge temaŋ kululuŋengatnaŋ ekŋenaŋ kâlâwin satnaŋ penaŋ mundumti ek mâti âsiŋin satnaŋ dukŋan mepmâbien. ¹⁵Ma dembusekŋaŋgatnaŋ kasayelen wanam kukŋaŋbeŋ keyaŋ kwage. Keyaŋ am sambe msat sambeyet indomti indawalebe. Mti Kawawaŋ winde toŋaŋ ma egalen ŋenzinziŋ temaŋ kasaŋane ekŋenmak mbe. Egaŋ aen toŋge mmamti am indom walebe ke sepem wain katnaŋ selaŋ im ziniŋ ziniŋ mamip sepem kegok mbe. ¹⁶Kâlâpmaŋ palen ma tambaŋanen tage ke kwitnaŋ kapigok kukuŋaŋ:

“EGAŋ MSALEN AMOBOTNAŋ EKŋENGALEN AMOBOTNAŋIN TEMAŋ
MA MSALEN AN DAMUŋ EKŋENGALEN AN DAMUŋIN TEMAŋ.”

¹⁷Âpme neŋ ekma mepme ensel ŋen kasuwen tapme ekban. Egaŋ ke tati age sambe tedukŋan gwaen kwapme indikti ekŋengat kwizet kumti zeye, “Kawawaŋaŋ tu meu temaŋ aikzingat toti kot ondegit. ¹⁸In ondekti amobotnaŋ ekŋengalen sek sesumbaŋin ma kasa kuku an ŋeŋaŋ

bembe ekɲengalen sek sesumbarɲin ma an winderɲinberɲ ekɲengalen sek sesumbarɲin ma âs ma an âs palen maip ekɲengalen sek sesumbarɲin ma am sambe ekɲengalen sek sesumbarɲin ma am lala ku mamaiwen ma am lala mamaiwen ekɲengalen sek sesumbarɲin ma amobotnaɲ ma am tototnaɲ ekɲengat sek sesumbarɲin nseip!”

¹⁹Âpme neɲ songom kukɲaɲberɲ ma msat katanɲ amobotnaɲ ma kasa kuku anɲane ilinsakwep ondek tapme ekban. Ekɲenaɲ an âs satnanen tage ek ke ma kasa kuku anɲane ekɲenmak kasa kusâgât kegok mbien. ²⁰Âpme kasa kumti songom kukɲaɲberɲ ke ma golanɲ zenze an dâsuki eget sukɲaɲ beme idatawien. Golanɲ zenze an dâsuki egaɲ songom kukɲaɲberɲ egat zikatnan menok kwitnaɲ kwitnaɲ mge. Mme am songom kukɲaɲberɲ egalen weɲaɲ mimiɲaɲ ke pedondom sesewatsamti mambien ma egalen muluwaɲ sekɲinan timti mamtemien. Am ekɲen ke keɲin mme yungumtemege. Kegok mmalu an ekɲenaɲ âs palen songom kukɲaɲberɲ ma golanɲ zenze an dâsuki eget ke alik tapmalu eget idatimti aimboɲan tep temaɲ nanzaɲ salpa tazin maɲge keyet keɲan ideme towebun. ²¹Kegok sokbeme egegalen kasa kuku anɲane tabien ekɲengut an âs satnaɲ dukɲan tage keyelen dembusekɲanengatnaɲ kasayelen wanam kukɲaɲberɲ keyaɲ toti kasa kuku ekɲen ke indome gakime ageyaɲ ekɲengat sesumbarɲin omba ɲep nimti kambakɲin kwapme wisat mbien.

**Sadaɲ nup kan tausen kwep setnaɲ betnaɲ zamti msat
aimboɲaɲ teepmaɲ butnepiɲ keɲan peme towege**

20 ¹Âpme neɲ taekma kululuɲengatnaɲ ensel ɲen topme ekban. Ek msat aimboɲaɲ teepmaɲ butnepiɲ keyelen ki ma tek aenaɲ weyayaɲaɲ katikɲaɲ ke mtoge. ²Ensel egaɲ gazu gazu temaɲ ke nombe itnaɲaɲ maɲgeyaɲ main. Ke ek we bekaɲaɲ ekɲengat ɲeɲaɲin. Enseliwan Sadaɲ atamti tegaɲ aenaɲ setnaɲ betnaɲ zamti nup kanen tausen kwep mamayet nâmti âtâpeme msat aimboɲaɲ teepmaɲ keɲan towege. ³Towepme ensel keyaɲ set kiɲaɲ mpemti sekekek palen gwadeyaɲ milikpeye mneti ke amnaɲ set mâtâpme egaɲ kwawabe. Mme egaɲ am ewe keɲin mme kileɲ bembepiɲ manepeme nup kan tausen kwep bembeyet zenzeɲaɲ. Ke manepeme nup kan sambe bemengut kwalepepeyet zempepeɲaɲgapmti kwalep peme kwati mulupmaɲ kan belaknik mbe.

⁴Âpme neɲ mundum totatat elimiakɲaɲmak sambe tapme ekban. Kegogak ekma am Kawawangalen zetnaɲ zemkawaɲ bemti egalen zet mâti winderɲaɲberɲ mambien ma am ekɲen keyaɲ songom kukɲaɲberɲ ikɲaɲ ma muluwaɲ weɲaɲ ku pedondom sesewatsawien ma kwitnaɲ monzalamanan ma belinan ku kumpepeɲaɲgapmti songom kukɲaɲgalen kasa kuku an ekɲenaɲ bimin elengewien. Ekɲen keyelen weɲin tapme indikban. An ekɲen keyaɲ gakikiengatnaɲ mamaen gilik

zemkoti Kawawaŋaŋ am ekdamuŋ mimiyelen winde indame mundum totatat elimiakŋaŋmak sambe keyet dukŋan totati Kilaismak mulup zemindenderaŋ ke nup kan tausen kwep mbep. ⁵Mti am ekŋen ke wawat kukŋaŋgat ekŋenaŋ wabien. Âpme am gakikiŋaŋ ŋen mama ku tiwienangut ekŋen keyaŋ nup kan tausen kwep kegok tapme delaŋ zewe. ⁶Am ekŋen ke wawat kukŋaŋgat keyet wawagat zapat mamaiwaŋ wati Kawawaŋ iŋŋaŋgalen amŋane teŋ penaŋ ma ekŋen oloŋen mip. Am ekŋen keboŋ ke gakiki ŋen keyaŋ ku indatiwe keyet yaŋaŋ kapigok: Ekŋen ke msat aimboŋaŋ teepmaŋ penaŋ tepmak keŋan ke ku waletbep. Ekŋenaŋ Kilais ma Kawawaŋ egegalen am ekŋengat tuŋguwinan mamti dundundu mulup mbep. Mti Kawawaŋmak am ekŋen kemak am indikdamuŋ mti manepeme nup kan tausen kwep delaŋ zewe. ⁷Âpme nup kan tausen kwep delaŋ zeme Sadaŋaŋ msat aimboŋaŋ teepmaŋ keŋangatnan ewe kwaletpeme kwati ⁸am sambe msat kataŋ mamaip ekŋen zet dâsukiyaŋ keŋin myuŋguwe. Am ekŋen kegok mimindawe ekŋen ke kwilin Gok ma Magok. Kegok sokbeme Sadaŋaŋ am ekŋen ke indamakuman nambu ganzenangalen gambibik sambe keboŋ ondekindemti weyeyaŋ mulup mti an kasa mimiyelen tabep. ⁹Âpme ekŋenaŋ msat sambe kataŋ koti Israel msalen am ekŋengalen ondedak munduminan meti am ekŋen ma Zelusalem mka temaŋ Kawawaŋ meluwaŋ mamtan kemak bembuluŋbien. Kegok mti tatnepeme kululuŋengatnaŋ tewaŋ toti Sadaŋgalen am ekŋen ke indazimâge. ¹⁰Kegok mme Sadaŋ am keŋin myuŋgumindemti manŋe ek ke mtati tep temaŋ nanaŋ salpamak tazimaŋgeen ke songom kukŋaŋbeŋ ek ma golaŋ zenze an dâsuki egelaŋ matatemunen ke peme towege. Ekŋenaŋ keyet keŋan tati sindem temaŋ tambuyet mamsayet matimambep.

Delaŋ zenze kanen zet mulup temaŋ sokbewe

¹¹Âpme neŋ mundum totatat elimiakŋaŋmak satnaŋ temaŋ ekti keyet dukŋan an ŋen tapme ekma egalen kogeyelen windeyaŋ ma ŋenzimoseŋnaŋ kopataŋ zeye keyaŋ kululuŋ ma msat galaŋ zewun. Egelaŋ an keyet ŋenzimoseŋnaŋ ŋep ku tatagalen keyepmti kegok galaŋ zewun. ¹²Âpme am mobotnaŋ ma tototnaŋ gakiwien ekŋenaŋ mundum totatat elimiakŋaŋ keyet ganzenan tapme indikban. Tapme papia ŋotekŋaŋ notnaŋ tage ke ensel ekŋenaŋ mâtâbien. Papia ŋen mâtâge ke am mama kanzizit keyet zapat maip ekŋengalen kwit tage. Mme am sambe gakikiŋaŋ ekŋengalen mama miminŋin ke papia ekŋen keyet keŋan tage ke ekti zelin zemdelaŋ zemindeye. ¹³Âpme am notnaŋ nambu keŋan toti gakiwien ekŋen nembuengatan gilik zemti wabien. Ma an damuŋ am gakikiŋaŋ maindikdamuŋ min egaŋ am gakikiŋaŋ indeme mebien ma an damuŋ am gakikiŋaŋgalen mundum maekdamuŋ min egaŋ kegogak am gakikiŋaŋ indeme mebien. An damuŋ zut ke Sadaŋgat kandaŋan

mamalup. Kegok sokbeme am ekñen ke msat palen mama mimiñin mambien keyet katan Kawawañan zemindoye. ¹⁴Kegok mti an damuñ am gakikiñan ekdamuñ mamin ma an damuñ am gakikiñan galen mundum damuñ mamin an zut ke Sadangat kandan mamalup ya eget âtâtideme msat aimboñan teepman keñan towebun. Gakiki ke Kawawañmak mama ke elengemideye. ¹⁵Âpme am ñen ek kwitnan mama kanzizit keyelen papiaen ku tage ekñen indatimti âtâindeme msat aimboñan teepman tep teman tazimangeen ke âtâindeme towebien.

Kululuñ alakñan ma msat alakñan sokbeye

21 ¹Âpme neñ kululuñ ma msat alakñan taekma sokbeme kululuñ ma msat itnañan keyan yek bewun ma nambu temanñan kegogak yek beye. ²Kegok sokbeme Zelusalem mka temanñan tep alakñan ke kululuñ Kawawañmagangatnan kwatopme ekban. Ke sepemanñan imbi ñen an zapatnanñan ekmagenpepeyelen mamiakpeme damuñ matazin keboñ ekban. ³Âpme Kawawañgalen mundum totatat elimiakñanmak keyet palengatanñan zet ñande temanñan kapigok zeme nâmban, “Ekdik, Kawawañgalen mka ke amñanemagen sokbein. Eganñan ekñenmak matapme ekñenñan ikañgalen amñane penanñan bemti mambep. Kawawañanñan ekñenmak mamti ekñengat Kawawañin penanñan bewe. ⁴Mamti siawin kaput indewe. Gakiki ma kembeñ palen mama ma si susu ma sindem mee ke ku tabe. Kwitnanñan kwitnanñan msat itnañan takwage keyanñan yek bemâpme delañ zeye.”

⁵Kegok sokbeme Kawawañan mundum elimiakñanmak keyet dukñan tati kapigok dinoye, “Nânik, neñ kwitnanñan kwitnanñan sambe alakñan mma sokbein.” Kegok zemti kegogak dinoye, “Geñ zet ke wembe katn penanñan amnanñan nâmkinañpepeyelengat papiaen meluwanñan mi!” ⁶Mti ewe kapigok dinoye, “Kwitnanñan kwitnanñan sambe ke ilak sokbemâpme delañ zeye. Neñ kwitnanñan kwitnanñan sambeyet toñanñan ma kwitnanñan kwitnanñan sambe nen maekdamuñ miyap. Neñ eweñan tapma kwitnanñan kwitnanñan sokbeyeyanñan neñ tapma kogogak delañ zewe. Âpme ñen eganñan tuyet gakin beme neñmagen kopme neñ tu zikatnanñan mamañanmak keyetnanñan tu ke sama nimti mama kanzizit mambe ke tosañepiñ. ⁷Am ñenanñan nâmkinañpepe neñmagen atam tati bekananñan winde ke kume tobe beme eganñan kapiyet katnanñan tabe: Neñ egat Kawawañanñan penanñan bema eganñan nâgât nemun bewe. ⁸Yangut am Kawawañgalen zetnanñan mkawañ bembeyelen makingalip ma am egat nâmkinañpeip yangut Kawawañ bamkumpewien ma am kwitnanñan kwitnanñan bekananñan mamip ma am maindome gakip ma am set kileñ mamaip ma am aña kambuk mulup ma mkambuk mulup ma egegat yeñ zelit ma agulam mulup mamip ma am notnanñan mulup sepem kegok mamip ma am nopiom masesewatsaip ma am zet dâsuki manzeip am ekñen keboñ keyanñan mundumin msat aimboñan teepmanñan penanñan tepmak nanzanñan salpamak

omba zimti kipman penan mambem tazin ke toti gakiki ke Kawawanmak mama ke elengemindewe.”

Zelusalem mka teman alaknan kululungengatnan kwatoge

⁹Âpme ensel kwep ensel 7 eknenmagengatnan egan kotati dinoye, “Kopmane Sipsip Nembanan egalen imbi zapat ke zikat gama ekbak.” Enselsel zet zeye ke pelepman mtapme makuma 7 kegok beye. Pelepman eknen keyet kenan kwitnan kwitnan bekanan 7 kwep kwep katan pelep eknen keyet kenan gak zem tabien. ¹⁰Kegok zemti zikat name ekma Kawawangalen Emetaknan winde namti zikatn mme menoknok ekma enseliyan iknanak naikti kalan teman teepman nen tage ke nati duknan mobelin. Moti mka teman ten Zelusalem kululun Kawawanmagengatnan toge ke zikat name ekban. ¹¹Toti tapme zikat name ekban ke Kawawangalen busatnan temanmak keyan mbusatnan penan bemtage. Ma soknan teman puyuk payaknan nanzan kwitnan zaspâ mânepman teman makwitip sakam kebon ekban. ¹²Mka teman ke ganzenan tokwat bembulun kimbatnan nanzan bempepenan ke teepman ma katiknan penan kimbat ke setokwakwatnan 12 weyayan. Ma setokwakwatnan 12 keyet ganzenan ensel kwep kwep katan tati setokwakwat damun mbien. Mti setokwakwat 12 keyet palen Israel am mange 12 keyet kwilin kwep kwep keyet kalan kumpepenan tage. ¹³Âpme kasup kwakwatnaset sekekek tuk tabien ma kasup towetnaset kogogak tugan tabien. Mme tagayanbem kukuaset sekekek tuk ekma tabien ma tagayan mepma delan zein kogogak tugan tabien. ¹⁴Mka teman alaknan keyet tepuman 12 waletpeme kwatage keyet palen Sipsip Nembanganat nembane 12gat kwilin duknan kumpepenan ekban.

¹⁵Ekma ensel zet zeme nâmban keyan tek kwitnan kwitnan bem eekgalen golan weyayan keyan mka teman alaknan keyelen tepum ma sekekek ke bem eege. ¹⁶Mka teman alaknan keyet kwisimbembenan zulak zulak kegok. Mme eknen ke bem eekme sakam kwep beye. Âpme kimbatnan bem eek ekban keyet teepmanan 1,500 mael mee kegok. Teepmanan ekban sepeman kegogak temanan ma palaknanan ilizuzut sakamit kwep. ¹⁷Mka teman alaknan keyet kimbatnan bembulun tage keyet manan 65 mita. Enselan betnan gwezenangatnan duknan keyan mka teman alaknan keyet kimbatnan bem eekgaen amnan belinan kwitnan kwitnan mambemegip keyet katnan mge. ¹⁸Kimbatnan ke nanzan kwitnan zaspâ keyan walalatnan ma mka teman alaknan iknan penan ke gol titiknanan walalatnangapmti galasiyan puyuk peyak maminok mme ekban. ¹⁹⁻²⁰Mka teman alaknan keyet tepuman kwep kwep nanzan tosanin teman ego egonanmak keyan walalatnan. Nanzan eknen keyet kwilin ma eknen zibon eknâm mimiyele kapigok: zaspâ ke gol nembon soknanan puyuk peyak mge ma sapaya nanzan kanâman

kululuŋ nembon ma nanzan ŋen kwitnan aget ke satnan kilimbjan ma nanzan ŋen emelal koknan msikokok kebon ma nanzan ŋen satnanmak ŋaman mitipesak kwitnan sadonis ma nanzan ŋen kwitnan kanilian ke alalanjan, ma nanzan ŋen kwitnan kilisolait ke tipkokok, ma nanzan ŋen kwitnan beal koknan nembu msikokogan keŋan tapme ekbek nembon, ma nanzan ŋen kwitnan topaz tipkokok yangut aiaiknan, ma nanzan ŋen kwitnan kilisopalas mitipesak tipkokokmak koknanmak temakwep metek kukunan, ma nanzan ŋen kwitnan zakin mitipesak tipkokokmak alananmak temakwep metekukunan, ma nanzan ŋen kwitnan ametis mitipesak kânjkâmanmak ŋamanmak temakwep metek kukunan keyet katan. ²¹Âpme sekekek 12 ekŋen ke mondele katan nembon kekek tosanjan mobotnan kwep kwewan sekekek igak igak ke miminjan ekban. Mme set tambangumin goliyan miminjan kegogapm galasiyan puyuk peyak mge.

²²Nerj mka teman alaknan keyet keŋan ekspema mopme sesewat mka teman ke ku tapme ekban. Enenogat Amobotnan Kawawan winde ton ma Sipsip Nembanan egelan sesewat mka teman alaknanok bemalu amnan sesewatidewep. ²³Kawawangalen sanja songanan mka teman alaknan keyelen tanam manzin ma kasupmak eyongayan mka ke busatnan ku sasayelen enenogat Sipsip Nembanan mka teman alaknan keyelen tanam bemti manzim tazin. ²⁴Âpme am msat katangalen eknenan busatnanin Sipsip Nembanan egalen tanam ziwe keyet busatnanen tabep. Mme amobotnan msat palen maip eknenan kwizet bujamin ke mka teman alaknan keyet tewalan besât timobep. ²⁵Mka teman alaknan keyet keŋan tambumbu ŋen ku tabe. Msamti etan tapmepme sekekek sambe eknenan mâtâpen matapmambep. ²⁶Mme am sambe msat palen maip eknenan kegogak kwizet bujamin ke tewalan mka teman alaknan besât mobep. ²⁷Am yominmak ma mama mimi bekanan mti mamaip ma zet dâsukiniben eknenan mka teman alaknan ku mobep. Am kwilin Sipsip Nembawangalen mama papiaen tazin eknenan etan keyet keŋan mobep.

Mama tuyelen zet

22 ¹Âpme ensel egaŋ mama tu teman ŋen zikat name ekban. Tu ke puyuk payaknan omba penan sakaman galas nembon. Ke tu zikatnan Kawawan ma Sipsip Nembanan egegalen mundum totatat elimiaknanmak keyetnan kwatoge. ²Toti mka teman keyelen set tungupmaset mezin. Tu keyet nembet nembet mamayelen tep keyan tapmege. Tep ekŋen keyet penanin nup kan kwep keyet keŋan sek 12 penanin maeligip ma eyonga kwep keŋan penanin sek kwep maeligip. Ma msat katan tep sinan keyan am mme dolaknan bemâbep. ³Mka teman keyet keŋan am ma kwitnan kwitnan Kawawan saik kumindeye ekŋen keyan keŋan ke ku tabep. Yangut Kawawan ma Sipsip

Nembanan egegalen mundum elimiaknanitmak mka teman keyet kejan ilit mundumit keyet duknan tapmalu Kawawanhalen mulup amjane ekjenan iktanget sesewatpemt mambe. ⁴Mti am ekjen keyan ek weyan ekmâtâti mambe ma ekjengat monzalamanan egat kwitnanan kumpepejan tabe. ⁵Ma mka teman keyet kejan tambumbu ewe ku tabe ma am ekjenan tanam ma kasup keyet olalat mulup ku mbep. Enenogat Amobotnan Kawawan iktan busatnan bemindemt mamambe. Kegok sokbeme ekjenan amobotnan kwati am msalen indikdamun mti kwesin kwesin mameti mambe.

Zisasiyan kokogalen kanan soknan bein

⁶Âpme ensel keyan pigok dinoye, “Zet papia kapi penananmakgapmti amnan nep nâmkinpewep. Amobotnan Kawawan egak Emetak Tejan golan zenze an ekjenmagen indame iktanhalen zetnan mme sosok kwakwagalen indaye. Egan ensel nen am nâmkinpepenmagen peme topme kwitnan kwitnan soknan sokbesâpm ke zemzikat indaye.”

⁷Enseliyan zet kekok zemdelan zeme Zisasiyan pigok zeye, “Nânik, ney sakwep kosowap. Âpme an nenan zet papia kapiyet kejan gawepuween kwitnan kwitnan bam sokbesâpm ke egan olojen mbe.”

⁸Âpme Zânan pigok zeye, “Ney kwitnan kwitnan sambe ke eknâmban. Ke eknâma delan zeyeen ensel keyet setnanen pedondom sawan.

Enenogat egan kwitnan kwitnan sambe zemzikat name ney egat dundum sasâgât mban.” ⁹Yangut ensel egan zemkulumnemti zeye, “Yegat,

pemane talak! Ney mulup an nodi ma golan zenze an nodine ekjengalen mulup an ma am papia kapiyelen zet gawepumti mambe ekjengat nolin keyepmti gejan Kawawan ek etan sesewati dundum sawanik!”

¹⁰Kegok zemti kapigok dinoye, “Gejan papia kapiyet kejanen zet tazin ke sokbesâpm kapi ku enziliwanik. Zet papiaen kunek ke ilak penanan sokbembeyelen kanan soknanik bein ¹¹keyepmti kan kejan gilik zenzeyelen nen ewe ku tazin. An bekanan mimi egan bekanan msâti mbe ma egan set kilen mama masâgât nâmba egan nep mambe. Ma an tejan main egan kekok mambe. Ma an kejan kwetetepman main egan kekok mambe.” ¹²Âpme Zisasiyan pigok zeye, “Nânik! Ney sakwep penan kosowap. Ney dopman mutumindandayelen koti am kwep kwep mama mimiinangat katan dopman mutumindawap. ¹³Ney kwitnan kwitnan sambeyet tojan ma kwitnan kwitnan sambe nen maekdamun miyap. Ney ewenan tapma kwitnan kwitnan sokbeyeyan ney tapma kogogak delan zewe. Ney ewenan takwaban bam tapmobap.”

¹⁴Âpme am nâlen zetn mâti esemten mambien ekjenan nep mka teman keyet setokwakwatnanen moweti kejan meti mama kanzizitgalen tep keyet katnan nâmindema nimbe keyepmti ekjenan olojen mtalit.

¹⁵Âpme am set kilen ma kwitnan kwitnan bekanan mamip ma am

aŋkambuk mulup ma mkambuk mulup ma egegat yeŋ zeliŋ ma agulam mamip ma am notnaŋ mulup sepem kegok mamip ma am set kileŋ mamaip ma maĩdome gakip ma am nopiom sesewatsaip ma am zet dāsuki manzeip ekŋenaŋ mama mimi keboŋgat tikŋaŋ manāipgapmti Kawawaŋgalen mundum dolakŋanen ke ku tabep.

¹⁶Âpme Zisasiyaŋ kapigok zeye, “Neŋ nālen ensel zempema zet ke mti geŋmagen koti geŋ zet ke papiaen kumane zet keyaŋ Kawawaŋ nāmkiŋpemaip ekŋenmagen mebe. Âpme neŋ Dewitgalen iŋsokŋane penaŋ beyap ma neŋ saputuŋ busatnaŋ temaŋ tambuŋan makwatazin keboŋ beyap.”

¹⁷Kawawaŋgalen Emetak ma Sipsip Nemaŋaŋgalen imbi zapat mamalup egelaŋ Kilaisiyet pigok zewun, “Geŋ kot!”

Ma an ŋenaŋ zet ke nāmti kegogak zewe, “Geŋ kot” Âpme ŋen ekŋen tuyet gakimti kobep ma ekŋen tu niniyet nāmbep ekŋenaŋ koti mama tu tosaŋepiŋ nimbep.

Zānaŋ Zisasiyelen golaŋ zet delaŋ zenzeyelen zet ma zetik mge

¹⁸Âpme Zānaŋ amgat golaŋ zet kapigok zeye, “Am ŋenaŋ golaŋ zet papia kapi keŋan maiŋti nāmbep ekŋengat golaŋin tiyaŋ ke pigok: Am ŋenaŋ keŋaŋgalak zet ŋen tusumti zewe beme Kawawaŋaŋ papiaen kwitnaŋ kwitnaŋ bekaŋaŋ sokbembeyet zenzeŋaŋ ke ewe tusumti sawe. ¹⁹Ma am ŋenaŋ zet kapi notnaŋ asekbep beme Kawawaŋaŋ mamayelen tep katnaŋ egat zapat tazin ke ma mka temaŋ teŋ keyet keŋan ku mebe ke menzem timābe. Kwitnaŋ kwitnaŋ ke sepem kegogak papiaen kumpepeŋaŋ matazin keyaŋ sokbewe.”

²⁰Zet sambe zenzeŋaŋ kapiyet toŋaŋaŋ zet kapigok zein, “Penaŋ sukwep! Kann ilik sokŋanik bein.”

Zeme Zānaŋ dopmaŋ zeye, “Ke penaŋ, Amobotnaŋ Zisas, geŋ kot!”

²¹Amobotnaŋ Zisas egalen keŋ taolelaŋ am Kawawaŋgat manāmkiŋpeip ekŋenmak wemti wembe. Ke penaŋ.